


# UBUTUNGULUSHI

 Na totela, Munyina Williams. Mwapoleni, Munyina Salano no mukashi wakwe, na bonse abalalikwe kuno kuli aya malila muno bushiku. Ca nsambu sana ukuba kuno. Nalekabila nganshi kuli iyi ora apo fye twatampila kuno lubali.

<sup>2</sup> Kabili Nde—Nde fwaya ukutotela ulya namayo, Ine nshile ibukisha ishina lyakwe, Billy elyo anjeba, ulya uwampele akabokoshi ka ma switi ya Cimishimishi, kabili acileta kulya kuli motoka inshita inono iya pitapo. Nkashi, Nshile ibukisha ishina lyakwe, a fuma kuno mu California. Ubo e bupe bwandi ubwali ubwaku balilapo ubwa Cimishimishi. Eico Na—Na mitotela pali ici.

<sup>3</sup> Nomba, muno bushiku ili . . . Nomba mu Tucson ili ba miniti ikumi ukupita naini koloko, lelo Nde tontonkaantya ilifye ba miniti ikumi ukupita eiti koloko kuno. Eico ifwe . . . Nde umfwila kofye abantu, Ndi umo u wa-manshoko muku shimikila, eico Nde—Nde subila . . . [Ulukuta lwatota—Kale.] Na totela. Cili ni . . . abantu abasuma muno. Na mutotela.

<sup>4</sup> Lelo Ni—Ni naka panono ku kushimikila, pepifye, muno cingulo, Ndeenda sana ukufuma—ukufuma ku Shreveport no ku cilinganya i calo (ukwisa inshile i) ubushiku no bushiku, kabili cilenga panono—panono uku telenkanishiwa, na mwishiba, no kutalala, ne shiwi uku koma. Na balile kulya ku Shreveport. Na lufishe umushishi wandi lintu Na li . . . imyaka inono ya pitapo. Kabili Na kwete akantu kamo akanono kantu Mfwala nga Nde shimikila ku kapinda kakukuso akacalo, ukwafwa ukukana kwata icifine. Na ile ku Shreveport noku kalaba, kabili Na li kwata icifine. Ulya mwela u kwisa nga filya, teti wishibe. Ka fumishiwe mo ukwabula ukwishiba, kabili inkanda icili iya naka, kabili ukupiba fye panono na Ine nintebelelwa pa mukoshi; kwali ukwisala imisonkano i ingi. Eico Ine ishiwi na likoma ko muno bushiku.

<sup>5</sup> Tulefwaya tusose ukuti ninshita iisuma ngashi kuli ifwe ukwisa kuno, nokuba, mu kulongana. Mailo ubushiku twa kwete inshita i suma kulya mu . . . na ba bwananyina, kulya, ku chapitala ibiye. Kabili eico twakwete ibumba ilikulu ilisuma kulya abaishile, abantu abaicefya sana kabili abasuma. Eico cile nenga ukumfwa bwino nganshi ukuba nolu bali lwa ba Baume ba Shimakwebo ba Mbila nsuma Iyapwililka. Caliba ica . . .

<sup>6</sup> Ni nkwata i Mbila, Ndemona, ukufuma kuli Lesa. Intu ya ibela panono ku bantu bamo. Kabili Ine teti ncafwe ukucilapo . . . Mfwile nabafye fintu Naba. Kabili ifwe . . . Nshi le pilibula ukuba u wapusana, cakuti fye Nde—Nde ikalila pa nshita yaku pilibuka kwa nshita. Ifwe tuli . . .

7 Lyonse ilyo mule kuula icibumba ica ololoka mu nshila imo, fyonse fili bwino, ba—ba kakuula kuti batwalililafye uku konka umulongo. Lelo ilyo muli no kwaluka pa cifutu, apo epo inshita. . . Kabili ifwe tatule kuula icibumba; tule kuula ing'anda, mwamona, eico ifi ififutu filingile ukwisa. Fya ishile munkulo yakwa Martin Luther, John Wesley, na munkulo yaba Pentecosti; cili pano nakabili. Eico ifwe. . . cintu cayafya ukwaluka ififutu. Lelo Nde tasha nganshi kuli. . . kuli Lesa, nangu cibe cali icayafya nganshi, abantu balipokelela pecenti umwanda. Eico tuletasha sana, ukutotela cila umo muli imwe.

Kabili nomba lintu tatulati twisule i Buuku, natulande kuli Kalembe, nga kuti mwacita, pa kashita akanono, ilyo tulekontamika ifinso fyesu:

8 Lesa Wakutemwa, tuli abatotela kuli Imwe muno bushiku pa nsambu shakwishiba Yesu Kristu (u Mupusushi wesu) u Mwana mwaume Wenu, mu kwelelwa apafye ukwamembu shesu, no kwishiba ukuti u Mulopa Wakwe untu wa linga u wafimba imembu shesu shonse namampulu yesu. Fya lifutwa nokuposwa muli bamba wakwa Lesa uwakulaba kabili Nabwinga Wakwe ali no kwiminina pa Mulalilo wa Bwinga, uwapwililika, uushakoweshiwa, ukuupwa ku Mwana mwaume wakwa Lesa. Ifyo twa Mu totela ku mulingo onse naku cicetekelo ukwishiba ukuti tatulecetekela mu busuma bwesu lelo mubusuma Bwakwe eka, pafyo A tu citila. Tuletasha nganshi.

9 Twa Mutotela pa ku—ku cimfya uko aba bwananyina bakwete bushilya bwa fimana ne fyalo kulya kuntu bali ne nsala ne cilaka cakwa Lesa. Na pepa, Shikulu, ukuti nga babwelelako na kabili, ukuti balya abana bantu baletete mu Bufumu bakabe ba nakulu naba shikulu bakalamba a babana bantu bakaletamo nabo. Ci peleni, Taata.

10 Tu paaleni capamo, muli ino nshta ya bushiku, kabili lekeni Mupashi wa Mushilo atupele ifintu ifyo tulekabila. Isaleni utunwa twesu ku fintu ifyo tatufwile ukulanda, no kwisula imitima yesu ukupokelela ico Mwala tweba. Ci peleni, Taata. Mwi Shina lyakwa Yesu twa pepa. Amen.

11 Nomba natupilibule muli Baibele ku lyashi linono lintu Nde fwaya ukusosapo pa kashita muno bushiku, kabili cisangwa umu muli Marko Washila, chapitala 10.

12 Kabili Nali. . . Imyaka inono iyapitapo nga Nde sosa, Na le—Nshale kabila no ku lembe amashiwi, Naleibukisha fye. Kabili Nshale fumya a makalashi ukubengelako mu Baibele. Lelo apo Ni ncila pa makumi yabili na fisano nomba, libili, kabili cili nge cankosela panono uku—uku cita nga fintu Nalecita. Kabili cili nga motoka-wapwa, lelo Ncili nde enda. Uh-huh, Nde fwaya uku twalilila panono panono mpaka ci. . . Nkaye kumwiina wa fisooso ukuya bumbululwa cipya cipya nakabili. Ubo ebulayo.

<sup>13</sup> Luka Washila, chapitala 10, kabili ukutendekela pa . . . Nde cetekela Naci tila versi 21, nga cakuti kuti Na sanga apa pamo. Ni ndufyanya, ni Marko Washila. Njeleniko.

<sup>14</sup> Marko Washila, chapiala 10, kabili na—na makumi yabili. . . ukutampila na versi 21, Nde fwaya ukubelenga. Natusende versi 17, nakuba:

*Kabili pa kufumako aile mu nshila, umuntu abutukileko, no ku mufukamina, noku mwipusha, noutila, Mwe Kasambilisha musuma, kuti Na cita nshi ukuti Mpyane umweo wa muyayaya?*

*Nao Yesu atile kuli ena ukuti, Cinshi ico wa njitila umusuma? tapaba umusuma kano umo, kabili uyo ni, Lesa.*

*Wa liishiba amafunde, Wila cita bucende, Wila ipaya, Wila iba, Wila bepesha, Wila finsha, Cindika wiso na noko.*

*Nao atile kuli ena, Mwe kasambilisha, fyonse ifi Nasunga ukufuma ku bwaice bwandi.*

*Nomba atile. . . Na Yesu pa ku mulolesha ali mutemenwe, kabili atile kuli ena, Cimo e ca bulila kuli uve: kabiye, kabili ka shitishe fyonse ifyo ukwete, kabili, upele ababusu, elyo ukaba ne fyuma mu muulu: elyo wise, nokusenda ulupanda lobe, noku nkonka.*

*Kabili icinso cakwe cawile pa kuumfwe cebo, kabili a ile no bulanda: pantu akwete ifyuma ifingi.*

Kabili Lesa apale ukubelenga kwa Cebo Cakwe.

<sup>15</sup> Nomba, twalalanda muno bushiku pe sambililo. Nde fwaya umutwe we lyashi ukuba “Konka Ine,” ne sambililo lyandi: *Ubutungulushi*.

<sup>16</sup> Nomba cintu i ceni, lelo Na citontonkanya limbi, ileelo mu kupepelela. . . Kabili Nda kokola sana, cila bushiku uku konkafye umulongo pa Mbila intu Na kwata, iyo Shikulu ampela ukulandapo. Ine nacistontnkanya muno bushiku, kuno muli iyi chapitala iipya, Nalacisenda mu lubali ulwa pusanako. Kabili ilingi line twalisosa pali ici, uku ciita, “Katungulula Munono u Wafyuma.” Na—na bengi ba kapyunga kuno, ba munyinane, ta kuli ku twishika ba li cisenda mu nshila isha lekana lekana. Kabili na Ine ndefwaya ukweshwa ukucisenda mu—mu nshila imbi muno bushiku ukulekana nefyo Nabala cita, ici ica *Butungulushi*.

<sup>17</sup> Ici, ibukisheni ici, ukuti cila umo muli ifwe, abaice na bakulu, ulutampulo lwenu ulwa kubalilapo luntu mwa pangile mu bumi bwenu, umo ali mi tungulwile. Ico ca cine. Kabili no lutampulo lwa ku lekelesha luntu mukenda, umo akala mu tungulula. Umo afwile uku tungulula.

<sup>18</sup> Lesa atupashanya ku mpaanga. Kabili umo nga alishiba pa fya kuteeka impaanga ne mibele ya mpaanga, mulandunshi, imwe mwalishiba ukuti impaanga teti isange inshila ya iko. Yena ifwile uku tungululwa. Nangu fye kuntu be paila, tulesanga ukuti balaleta impaanga kulya kabili i tungululwa kulya mu kwipaiwa ku mbushi. I mbushi ila tungulula yena kulya, nomba ilyo yafika pa mpela ya mupaipi ya tolokako, elyo impaanga sha twalilila mu kwipaiwa. Eico bena . . . Twa sanga ukuti impaanga tekuti isange inshila ya iko.

<sup>19</sup> Nde ibukisha cintu Ine napitilemo na imo, inshita imo. Nali kasunga wanama uwa buteko mu Indiana, kabili Na fumine kunse mwi bala; elyo Na umfwile icintu cimo, ukulila ukwa bulanda nganshi. Na co cali ka—ka mwana ka mpaanga akanoo, ka—ka lilufishe nyina. Kabili ka fililwe ukusanga inshila ya kako kuli nyina, na o nyina afillilwe uku sanga inshila ku ka—ku ka mwana ka mpaanga. Na imishe aka kantu, kabili ifyo katalele lintu ka shintilile kuli ine. Na twalilile kulya, amaboko yandi nayekata aka kantu. Kabili kalelila, na—na Ine nakomfwile. I fyo ka bikilefye a katwe ka kako kuli ine kabili ca moneke kwati ka lishibe ukuti Na—Na—Nali noku kafwa.

<sup>20</sup> Natontonkenye ukuti, “Mwe Cilibwe ca Kale, njiswileni, njimyeni mu maboko ya kwa Shikulu Yesu, ukutifye mbe uwasekela nga fintu Na ishiba Ndi—Ndi no kuya ku Mwesu ukuba pamo na ba temwikwa.” Na tontontonkenye ukuti, “Pa mpela ya lwendo lwa mweo wandi, muka nsendefye mu maboko Yenu, Shikulu, nga filya. Ico Ni njishiba Nka sendwa ukuciluka umumana lyena, kulya kwishilya ukushakabe amalanda na malwele, ne fintu, kabili Nkaba na batemwikwa bantu Na temenwe.”

<sup>21</sup> Kabili ngacakuti mwasambilila pa bubumbo, kwalibako icintu icikalamba mu bubumbo. I fintu fyonse fintu Ine—fintu Ndoleshako, nefyo Lesa apanga, Ena e Kalemba wa bubumbo. Ububumbo bu twalililafye. Ububumbo bonse bwaba fye cimocine. Imwe moneni, ifintu fyonse . . . Nga fintu Nasosele, Nde cetekela icungulo cafumineko, ukuti “Ububumbo bupela ubunte pali Lesa.” Nga cakuti tamwatala a mukwata Baibele, kuti mwa loleshafye ububumbo no kwishiba ukuti uyu Baibele e Cishinka.

<sup>22</sup> Na—Na kwete insambu sha ku shinguluka isonde. Kabili Ine nalibelega ifiputulwa fyapusana pusana, elyo Nali mona bukapepa bwa pusana pusana; abena Muhammadi, kabili Nali belenga Korani, no—no kumona ba Sikhs, ba Jains, na bena Muhammadi, na bena Buddha, na bambi po. Lelo nakuba, cila umo muli abo, bene bali kwata isambilisho na i—i—i—i buuku lye sambilisho ne buuku lya mafunde, na fimbipo. Lelo Baibele yesu e Cishinka, na Lesa wesu e Umo fye uwa lungama; pantu cila umo muli abo afwile ukusonta ku nshinshi kumo uko solwesolwe wabo acili na lala, lelo ubwina Kristu bu sonta ku

cilindi i caisuka kabili kuti baikala mu Kusangwapo kwa Umo uwabikilwe mulya. Ena wa mweo! Te Lesa u *wali*, Ni Lesa u *uli*. Te “*Nali*” nangu “*Nkaba*,” lelo “NA BA.”

<sup>23</sup> Kabili ububumbo bonse bula twalilila, nga fintu Na sosa, ukulanda pa Nkulo sha ma Chalichi shesu (fintu tukwete amabuuku nomba aya lafuma nomba line). I. . . Cinshi Ine. . . pa kulemba kwandi ukwa Nkulo shama Chalichi. Na fintu ifwe twamona i Chalichi, ifyo Ca kula, u kukula nga fintu fye ububumbo bonse bucita.

<sup>24</sup> Kabili twale landa bumo ubushiku pa fyo a kasuba katula mulu celo, kali akanya, aka naka sana, ta muli nangu maka muli kena. Kabili lintu ubushiku bwa twalilila, ka tampa ukukosa, ukukosa. Pepi na eiti koloko ka ingila mwi sukulu, kwati kalumendo nangu aka kashana. Elyo nomba pepi na lebeni koloko ka fuma mu sukulu, kabili naka iteyanya ku iyakako—iyakako imilimo. Kabili nomba uku lubali pepi na fili koloko ka pilibuka, ukufuma pa kati ka bumi ukwingila mu bukote. E lintu kafwa icungulo. Bushe iyo e mpela ya kasuba? Iyo. Kabwela ulucelo lwakonkapo, ku kupela ubunte ukuti kwaliba umweo, imfwa, ukushikwa, ukututubuka. Mwamona? Mwamona?

<sup>25</sup> Tu la mona ifimuti, ifyo fyenda na fintu ficita. Nali inshita imo iyapita kulya ku Kentucky, Na—Nali temwa uku lunga utupale, kabili Naile pepi ne nshita ya mupepo ya mwaka ku kulunga utupale na cibusa wandi. Kabili cil. . . kwa lyumine sana.

<sup>26</sup> Kabili onse u walungapo akapale ka butulukila, ali shiba fintu ca yafya uku tu bendelela. Ilyo, a—a mabula, lishapofye limo, kabili, oh, Houdini ena musambi wa bwangalo bwaku pusumuka ku—kuli uto tuntu, ifyo tu fulumuka! Kabili elyo ukweshu uku lasa pa mayadi amakumi yasano, ci senda ubulunshi ubusuma ukuti unga kwatako mu bushiku bumo.

<sup>27</sup> Eico, Mista. Wood, umunandi, u—u wapilibwilwe uwa Nte sha kwa Yehova, ali na ine. Kabili twa. . . Ena atile, “Na lishiba i cilime uku kuno ukwaba umwaume u wakwata ayengi ama. . .” Ifwe tuyeta kulya, “imikonko.”

<sup>28</sup> Ni banga abaishiba *holler* umukonko? Ukuba, ciputulwa nshi ica Kentucky mwa fumako, nakuba? Mwamona? Kabili kulya eko Na fuma.

<sup>29</sup> Kwati kuno muli bamo aba muli ba chapitala, te kale; Mfwile ukweba ici kuli Munyina Williams na bena, aba bwananyina. Ba tile, “Twa la iminina nomba no kwimba ulwimbo lwa cishipa—cishipa ca calo.”

<sup>30</sup> Kabili Natile, “Ku mwandi u kwakale ku Kentucky, ukutali. . .” Eico takwali nelyo umu uwaingilemo pamo na ine, eico. . . Ulo elwimbofye lwa cishipa Na ishibe. Kabili efyo twali—twali nomba. . .

31 Cisuma, mukwai. [Munyina Branham ba mutambika a kapepala—Kale.] “Twapapata pepeleniko, na mayo muno ililine umulopa ulesuma mu mona.”

Natupepe:

32 Lesa Watemwikwa, Na Mi lomba, Shikulu, Imwe muli—muli Kondapa mukalamba kabili Na lomba ukuti uku senamina Kwenu no luse fyala kumya uyu mwanakashi watemwikwa ili line no kwimika ulya mulopa. Nga abantu aba cetekela aba longene pamo, namayo eshile kuno ku kuipakisha i Cebo cakwa Shikulu, ne senge lya bantu, Shikulu, ili line, uku susha umulwani no kwi mika umulopa. Mwi Shina lyakwa Yesu Kristu. Ameni. (Kabili twacicetekela, twacicetekela.)

33 Uku twalilila ne lyashi linono pakuti fye tube mu mbela lintu ta tu laingila mu malembo yanono yantu Ne mbele apa, na Malembo yamo.

34 Nomba ena atile, “Ukuba, uyu mwaume umukote, twalaya kulya nokumona. Alikwata imikonko i ingi muncende yakwe,” atile, “lelo musenshi.” Atile, “Nga. . . Ena ale tutamfya nefitipu nga twaya kulya.”

35 Natiile, “Nomba ta tulesanga utupale kuno. Tuli mu nkambi pa milungu ibili.” Elyo natulamba, ne myefu pa finso ponse.

36 Nao atiile, “Ukuba?”

Natiile, “Natuleya kulya.”

37 Eico twa endele ba mailoshi banono, pepi na ba mailoshi amakumi yabili. Ine nali fikako mu calo mulya limo pa kubala, pa nshiku shitatu, pa nkambi yaba Methodisti kuntu kwali ifintu ifikalamba fintu Shikulu acitile, no bundapishi ubukalamba pa kati ka bantu ba Methodisti. Kabili nomba twa bwelele ukuciluka impili shimo ne mikonko ne milundu. Kabili ufwile waishiba Kentucky pakuti u ci shibe, ni ncende nshi ufwile uku yamo. Kabili ilyo twabwelele kulya twa fikile pa ng’anda, kabili palya pa ikele umwaume umukote, a baume babili, baikele palya ne fisote fyabo ifyakale na fi kopokela pa finso fyabo, elyo—elyo a tile, “Ulya palya,” atile, “ena mu kali.” Atile, “Ena aali pata ishiwi ilya kuti ‘kashimikila,’” atile.

38 Eico Natile, “Ukuba, cawama Njikalefye mu motoka, limbi ta twa lunge nakalya.” Natile, “Iwe kabiyemo noku mwipusha nga kuti twa lunga.”

39 Eico ena afumine no kutampa ukwenda ukwingila, alandile nabo. Kabili mu Kentucky, lyonse, na mwishiba, ni “ingila,” na fimbi. Elyo kabili ena aile kulya no ku tila, “Na cila tontonkanya nga cakuti kuti twalungako panono pa ncende yenu.”

40 Umwaume umukote uwaikele palya, pepi ne myaka amakumi cine lubali na-isano, fwaka ale kunkuluka pa kanwa kakwe, atile. . . afwisa, no ku tila, “Ni we nani ishina?”

Ena atile, “Ishina lyandi nine Wood.”

Atile, “Bushe uli umo uwa lupwa lwa kwa Jim umukote uwaleikala. . .”

Ena atile, “Ee, Ndi mwana wakwa Jim.” A tile, “Nine Banks. Ee.”

41 “Cisuma,” ena atile, “umwaume umukote Jim ali muntu umufuma cumi.” Atile, “Cinecine, ya fwilishhe.” Atile—atile, “Bushe uli weka?”

Atile, “Iyo, kakumba wandi ali kunse kulya.”

Atile, “Auti shani?”

Aile, “Kakumba wandi ali kunse kulya mu mutoka,” atile, “alelunga pamo na ine.”

42 Atile, “Wood, taule pilibula ukuti wali bwela sana panshi icakuti ule senda kashimikila konse kuntu uleya?”

43 Eico ena mukali, u mukote, eico Na tontonkenye ukuti cawama Na fuma muli motoka, na mwishiba. Eico Na fumine panse no ku shinguluka, elyo ena atile, “Ukuba, kabili niwe kashimikila, huh?”

44 Natile, “Ee, mukwai.” Ena andoleshe pa mulu na panshi; uwa mulopa watupale, kabili uwalamba. Atile—atile. . . Natile, “Tacilemoneka sana ngefyo.”

45 Aiile, “Ukuba, Naba ngo watemwa ico.” Atile, “Nawishiba, Ndefwaya ukukwebako cimo.” Atile, “Ine mfwile ukuba umusenshi!”

46 Natiile, “Ee, mukwai, Ninjishiba ico.” Natiile, “Nshile tontontokanya cintu cakulandapo, nakuba. Kuti mwacita?”

47 Kabili ena atile, “Ukuba,” atile, “Nshi shibe.” Ena atile, “Nalakweba fintu Ntontontokanya pali imwe bantu.”

Natile, “Cisuma.”

48 Ena atile, “Ulebosa ku muti umbi.” Kabili ni banga abaishiba umo ico calola? Mwamona? Ci pilibula ukuti nimbwa ya bufi, mwa mona; kote tali pa mulu palya nakalya, mwamona. Atile, “Iwe ule bosa ku mulu wa muti umbi.”

Natile, “Ico naco lintontontokanyo.”

49 Kabili atile, “Ukuba,” atile, “lolesha, wacimona cilya icakale icakufuminamo ifyushi ciminine palya?”

“Ee.”

50 “Na fyalilwe kulya, imyaka a makumi cine lubali na isano iya pitapo.” Kabili atile, “Ine naikala muno mwine muli ishi mpili, shi shingulwiwe, mu myaka yonse iyi.” Kabili atile, “Nali lolesha ku myuulu, Nali lolesha uku na kulya, kabili, icinecine, mu myaka yonse iyi a makumi cine lubali na yasano, nga Nali monapo cimo icimoneka nga Lesa. Bushe ta wa tontontokanya ifyo?”

51 Natile, “Cisuma, cili ku co u leloleshapo, mwamona, nangu ico ule fwaya ukumona.”

52 Nao atile, “Ukuba,” atile, “Nsha—Nsha cetekela nangu panono ukuti kwaba ici bumbwa ca musango uyo. Kabili Nde cetekela imwe mwe bantu mu fuma fye no kubepa a bantu pa ndalama shabo na fyonse. Kabili ifyo eflyo ciba.”

53 Natile, “Ukuba, iwe uli mwikashi wa mu America, walikwata insambu shobe—shobe isha kuitontonkanishisha.”

54 Atile, “Kuli umuntu umo, umuku umo, u o Na umfwilepo,” atile, “ico Ine icinecine . . . Nga cakuti ena . . . Nga cakuti Natalile ukulanda noyo muntu,” atile “Ine kuti natemwa uku—uku mwipusha a mepusho yanono.”

Na tile, “Ee, mukwai.”

55 Atile, “Cali ni kashimikila, limbi kuti wa mwishiba.” Atile, “Ena akwete umusonkano kuno mu Campbellsville, ta papitile nshita, mu lubansa lwa chalichi kulya, pa ncende ya nkambi.” Kabili a tile, “Ni ndaba ishina lyakwe.” Atile, “Ena afuma ku Indiana.”

Kabili—kabili Natile, “Oh? Ee, mukwai.”

56 Kabili Munyina Wood atampile ukusosa, “Ukuba, Ine . . .” (“Wi sosa ico.”) Eico kabili atile . . .

Natile, “Finshi pali ena?”

57 Atile, “Ukuba,” atile, “namayo umukote . . .” (umuntu umo) “kulya pa lupili . . .” Atile, “Na wishiba, alefwa nepwa londa.” Kabili atile, “Umukashi na Ine twaleya kulya ulucelo ku—ku kwanshika ubusanshi bwakwe.” Atile, “Balefilwa no kumwimya ukuti benga mubika pali cembalapoto,” atile, “kwalebafye ukubikapo insalu.” Kabili atile, “Ena alefwa. Aliile na ku Louisville, kabili atile ba shing’anga bali mu fililwe no kutila ali ‘no kufwa.’

58 “Kabili inkashi inankwe yaile kuli ulya musonkano, kabili a tile, ‘Ulya kashimikila ali naiminina palya pa cintamba, a loleshe ku numa pa mulu we bumba no kwita uyu mwanakashi kwi shina, no ku mweba ukuti, ‘Ilyo ena aile, asendele a katambala no ku kabika mu cikwama cakwe—cakwe.’ Kabili apundile ishina lya uyu mwanakashi kuno, ba mailoshi amakumi yabili kwisamba kuno, no ku sosa fintu umwanakashi ale lwala kwipwa londa, untu ishina lyakwe lyali, na fyonse fintu umwanakashi apitilemo; atile, ‘Senda aka tambala kabili uye ka tambalika pa mwanakashi,’ no ku sosa ukuti ‘umwanakashi ako ndapwa kuli kansa.’”

59 Kabili atile, “Bena baishile kuno ubo bushiku.” Atile, “Mucine, Na umfwile ukupunda ukwabipisha pa mulu palya. Na tontonkenye ukuti ba Salvation Army balekelweko pali bene pa mulu wa lupili kulya. Atile, ‘Ukuba,’ Na tile, ‘Nde mona nkashi umukote na fwa.’ Atile, ‘Ukuba . . . Mailo tuka ya



senda i cimbayambaya, elyo tu ka mufumya ukuya ku musebo ukalamba,' kabili atile, 'pakuti benga mutwala ku waku shiika.' Kabili atile ukuti ba . . .Twa lolelele. Ta cale kabilwa ukuya pa muulu kulya pali ilya nshita ya bushiku." Atile, "Ili pepi na mailoshi umo pa muulu pa lupili ukufuma kuno." Atile, "Twaile kulya ulucelo lwa konkelepo, kabili na mwishiba icacitike?"

Na tile, "Iyo, mukwai."

<sup>60</sup> Atile, "Umwanakashi aikele palya alelya ba apple pie abasalulwa, no kunwa kofi, pamo no mulume wakwe."

Na tile, "Mule landikisha?"

Atile, "Ee, mukwai."

"Oh!" Na tile. "Nomba, mista, imwe icinecine ta mulepilibula ifyo."

<sup>61</sup> Atile, "Ici nsakamika ni fintu . . .munshilanshi ulya mwaume, kabili tatale ba muno calo, kabili aishiba ifyo." Mwamona?

Na Ine natile, "Oh, imwe ta mulecetekela ico."

Atile, "Cishinka."

Natile, "Mulecetekela cilya?" Mwamona?

<sup>62</sup> A—a tile, "Cisuma, kabiye pa mulu palya pa lupili, Ine kuti na cishininkisha kuli iwe." Ena aleshimikila kuli ine nomba, mwamona.

<sup>63</sup> Eico Na—Na tile, "Um-um." Na tolele i apo, kabili—kabili Natile, "Bushe kuti Na bulapo limo pali aya ma apo?" Kabili Nalikumwine ku fyakufwala fyandi.

<sup>64</sup> Atile, "Ukuba, utushishi tule yalya, Nde tontonkanya kuti wa bulapo limo." Kabili nomba . . .Kabili nomba Na tile, "Ukuba, . . ." Na—Na suma . . .nasumine mo, kabili Na tile, "Li apo ilisuma."

<sup>65</sup> Atile, "Oh, ee." Atile, "Na mwishiba? Na byele icimuti cilya, oh, imyaka amakumi yane yapitapo, nangu cimo icapala nge fyo."

Natile, "Oh, bushe ca cineco?"

"Ee, mukwai."

<sup>66</sup> Kabili Natile, "Ukuba, kabili cila mwaka . . ." Natile, "Na mona ta tulati kukwata impepo, cili ku kutendeka kwa Kasakantobo." Kabili Natile, "Amabula yalepona ku fimuti."

<sup>67</sup> "Ee, mukwai. Ico cacine, cilepalama ku mupepo. Nde cetekela tuli noku kwata bwangu uno muku."

<sup>68</sup> Natile, "Ee, mukwai." Ilyashi lyapilibuka, mwamona. Kabili atile . . .Na tile, "Ukuba, na mwishiba, cili iceni," Na tile, "ifyo yalya amenshi yafuma muli cilya cimuti." Na tile, "Kabili ayo mabula ukupona, lelo takuli na . . .yena—yena taya lati kukwata impepo iya kwipaya amabula."

69 Kabili ena atile, “Ukuba,” atile, “bushe ico cili nenshi pa fyotulelandapo?”

70 Kabili Natile, “Ukuba, Nde—Nde sungukafye.” (Na mwishiba, mayo lyonse aleti, “Pela ing’ombe intambo iitali na yo ika ikulika i ine, mwa ishiba.” Eico na mupelefyentambo i itali.)

71 Eico ena a twalilile, kabili atile, “Ukuba, ee, bushe ico cili nenshi iya kucita ne ci?”

72 Na tile, “Namwishiba, Lesa alaleta a ma apo, na imwe mulaipakisha ayo ma apo na mabula, kabili mulekala mu—mucintelelwe na fimbipo. Ca bwelela panshi mu mupepo wa mwakakabili,” Na tile, “ca bwela nakabili na ma apo pamo na mabulanakabili.”

73 Kabili atile, “Oh, ubo bubumbo fye. Mwamona, ubo bubumbo fye.”

74 Na tile, “Ukuba, cine, ubu bubumbo.” Na tile, “Ubo bubumbo, lelo u Muntu umo afwile ukutungulula ububumbo.” Mwamona, Na . . . atile . . . “Unjebe nomba cinshi cicita ifyo?”

75 Kabili atile, “Ukuba, cabafye—mibelefyeyia bubumbo.”

76 Natile, “Ni ani uusosa ku kalibula nomba, elyo na . . . ?” Na tile, “Nomba, u mulandu lilya ibula liponena, ni pakuti amenshi yaya panshi mu mishila. Kabili bushe nga cakuti yalya menshi ya ikalilile pa mulu mu cimuti ukupula mu mupepo? Cinshi cinga citika?”

77 Atile, “Kuti caipaya icimuti.”

78 “Ukuba,” Natile, “nomba, mano nshi ya twala yalya amenshi panshi mu mishila, ayatila, ‘Fumeni muno nomba, cile palamina ku mupepo wa mwaka, kabiyeni panshi mu mishila no kufisama?’ Kabili mwikale panshi mu mishila nga mu cilindi; kabili lintu mu nshita yaku palama kwa mainsa kwaisa nakabili, yaleta na yambi ama apo, nokuleta nayambi amabula na fimbi.”

79 Ena atile, “Ubo bubumbo fye, buli nokucite ci.” Atile, “Imibele ya mwela! Ukupilibuka, mwaishiba, ukupalamina kwa nshita amabula yapona.”

80 Natile, “Tekeni imbeketi ya menshi pa cimuti panse palya, no kumona ngacakuti ububumbo bwala yatwala panshi pe samba lya cimuti no kuya bwesha pa mulu na kabili. Mwamona?” Mwamona?

“Ukuba,” ena atile, “iwe kuti wakwata icintu cimo.”

Natile, “Tontonkanyenipo ilyo twaya mukulunga.”

Kabili ena atile, “Ukuba,” kabili atile, “lungeni uko mulefwaya.”

81 Kabili Natile, “Ilyo Nde bwela, nga cakuti mulenjeba amano ayatwala yalya menshi ukufuma mu cimuti cilya ukuya panshi mu mishila, ukwikala u mupepo onse no kubweluluka mu

mupepo wa konkapo, Ine nde mweba ukuti e Mano yamo yene a ya njebele pa lwa ulya mwanakashu pa mulu palya.”

Atile, “Ukweba iwe?”

Natile, “Ee, mukwai.”

Ena atile, “Ta uli ulya kashimikila!”

Natile, “Bushe kuti mwaishiba ishina lyakwe?”

Atile, “Ee.”

Natile, “Branham?”

Ena atile, “E o.”

Na tile, “Ico—ico cacine.” Mwamona?

82 Kabili na mwishiba? Na tungulwile ulya mwaume umukote kuli Kristu, apo pene pa bunte bwakwe.

83 Kabili panuma ya mwaka Na li kulya kabili na imike motoka (paali Indiana lasenshi) mu lubansa. Bali kukilepo, ena alifwile. Kabili ilyo Na bweleleko, umukashi aiminine palya uku nkalipila; Na tontonkenye ukuti Nali ne nsambu sha kulunga. Kabili afumine panse, a tile, “Bushe taubelenga?”

84 Na tile, “Ee, mayo.”

Ena atile, “Bushe wa cimona filya fishibilo fileti ‘Takuli Kulunga!’?”

85 Na tile, “Ee, mayo, lelo,” Na tile, “Ni—Ni mpelwa insambu.”

86 “Ta ukwete insambu!” atile. Kabili a tile, “Ifwe twabika pali ii ncende—ncende ici pampa pa myaka i ingi.”

87 Natile, “Ukuba, nkashi, Ni—Ni nduba kanshi, Njeleleniko.”

88 Nao atile, “Njeleleniko wabula kantu! Lasenshi wa ku Indiana palya, kabili ukwisa kuno, muli bantu abapamisha!”

Natile, “Bushe kuti Na londolola?” Natile . . .

Ena, “Nani akupele insambu?”

89 Natile, “Nshi nshibefye. . .” Natile, “Ali mwaume uwa cikalamba u waikela panse palya mu lukungu, lintu Nali kuno umwaka wapwile, kabili twale landa pali Lesa.” Mwamona?

Kabili ena aloleshe, a tile, “Bushe ni we Muniyina Branham?”

Kabili Natile, “Ee, mayo.”

90 Atile, “Njelelako. Nsha cishiba ukuti ni we ani.” Atile, “Nde fwaya uku kweba ubunte bwakwe. Ama ora yakwe aya kulekelesha pa kufwa, ena aimishe a maboko yakwe no kulumbanya Lesa.” Atile, “Ena afwilile mu cicetekelo ca bwina Kristu, kabili asendelwe ukuya kuli Lesa.” Mwamona?

91 “Nga cakuti bena batalala, a mabwe ya ka punda ilyo line.” Mwaliba icintu cimo mu bubumbo.

92 Lolesheni ifyuni, lolesheni ifinama, lolesheni ifintu fyonse, kabili imwe lolesheni u bubumbo.

<sup>93</sup> Lolesheni fintu akakunda kapupuka. Ifyo caba icuni icaibela, mwamona. Yena—yena tayakwata indusha, yena tekuti ilye nga mwankole. Mwamona? Yena tayakwata indusha muli yena. Yena taikabila ukusamba mu—mu—mu menshi, pantu yalikwata icintu cimo mu kati ka iko; ici isamba ukufuma mu kati ukwisa kunse, mwamona.

<sup>94</sup> Ifyo eflyo umwina Kristu aba. Ifyo eflyo Lesa a iminineko Umwine, mu—mu—mu nkunda. Mwamona, pantu . . . kabili na . . . Yesu a iminineko ngo Mwana wa mpaanga. Lyonse mu bubumbo mukasanga Lesa. Kabili Lesa apashenye ifwe ku mpaanga ishifwile uku tungululwa. Bushe mwalitala amumona kulya, Na shimikile imbila pali ico nshita imo iya pitapo? Ukuti i Nkunda ukwika pa Mwana wa mpaanga, ukutungulula u Mwana wa mpaanga, kabili Ya Mu tungulwile ku kwipaiwa. I—i—i Nkunda! Nomba, nga cakuti ulya Mwana wa mpaanga. . . Ilya Nkunda te kuti ikile pa nama ya musango u uli onse, pantu fyonse fibili fifwile ukuba ifya mibele imoine. Mwamona? Nga cakuti i Nkunda ya ikile pa mumbulu, na o nga wali saswike no ku buluma, i Nkunda nga Ya li pupwike no kuya.

<sup>95</sup> Ukuba, ecimo cine na nomba. Kabili imibele yesu iya bipa, u Mupashi wa Mushilo Ulemafye no kupupuka ukuya. Ci fwile caba mibele imo ine. Icuni camu Myuulu, inkunda; ne nama ya fuuka nganshi pe sonde, u mwana wa mpaanga; bena kuti basuminishanya. Kabili ilyo Mupashi wa Mushilo aisa pali ifwe nokutulenga ifibumbwa fipya, lyena kuti Ena atutungulula. Lelo lintu twaesha ukwikalila ubumi bumo bwine ubwa kale, te kuti cibombe! Te kuti cibombe nakalya.

<sup>96</sup> Nomba, ulutampulo lwa pa kubala ulo watalile ausenda mu bumi bobbe, ukulanda pa butungulushi, lwali sanasana amaboko yakwa *nacifyashi* wa luse umukote. Ayo maboko kuti yaba tondolo muno bushiku, kunse kulya mu nshinshi imo ukuntu kumo, lelo kulya kwali kuboko ukwa kwikete ukuti upange ulutampulo lobe ulwa kubalilapo.

<sup>97</sup> Elyo pa numba ba noko ukukufunda u kwenda, kabili wa endako intampulo shinono elyo kupona panshi, kabili ukwima, kabili wa tontonkenye ukuti u lecita ifintu ifikalamba, elyo ena akutwele kuli *kafundisha ku sukulu*. Kabili nomba ena atampile ukutungulula ku masambililo; ku nshilanshi ne fyo ufwile ukucita, ne fyo ufwile uku sambilila, na—na fimbi po nge fyo.

<sup>98</sup> Nomba panuma kafundisha we sukulu apwisha na iwe, elyo wa bwelelamo, *wiso* aku bula. Nomba ilyo wiso akubula, a kufundile limbi a makwebo yobe; ifya kuba shimakwebo wa lunduluka, ifya ku cita ifintu bwino. Noko akufundile ifya kuba u—u mukashi wa pa ng'anda, ifya kwipika, na fimbi po nge fyo.

<sup>99</sup> Nomba panuma ba pwishishe na iwe, elyo *kashimikila* obe nangu *shimapepo* aku bulile.

<sup>100</sup> Lelo *nomba* ninani ale kutungulula? Ilyo e lipusho nomba. Nomba, bonse tule tungululwa ne cintu cimo muno bushiku. Tu fwile ukuba. Tula tungululwa. Moneni!

<sup>101</sup> Nomba natuloleshe pali uyu muntu umulumendo... icalemongola. Natuloleshe pali u... uyu shimakwebo munono efyo tu nga mwita, pantu ali ni shimakwebo. Ena ali umwaume uwa lunduluka nganshi. Na tuloleshe pa ntungulushi shakwe.

<sup>102</sup> Limbi, pakubala, nyina ali mufundile acili akalumendo ifintu ifyo afwile ukucita. Wishi amulengele ukuba uwalunduluka bwino, kabili limbi amushilile i—a mushilile ifyuma, pantu ena ali intungulushi umwine; limbi wishi aliile, eico ali shi—shimakwebo. Ena ali ni... Natumwite, ileelo, nga umwina Kristu shimakwebo; nangu, ali kapepa shimakwebo, Nde tontonkanya kuti caba insoso yalinga.

<sup>103</sup> Uyu mwaume ali kapepa, ena tali musenshi. Kabili alifundilwe kuli nyina ifya kucita ica lungama, ifyakwenda, ifyakuifwika umwine. Ena ali fundilwe kuli wishi, ubukwebo bukalamba, kabili nefya kuba shimakwebo wa lunduluka; na makwebo yakwe yali lundulwike. Kabili wishi na nyina bakushiwe mu chalichi, kabili ba mulangile kuli shimapepo. Na shimapepo amulengele ukuba umwaume kapepa mwine mwine. Eico ena ali umuntu wa mibele isuma, ali umulumendo umusuma ne mibele isuma.

<sup>104</sup> Nga cakuti Yesu Kristu ali muloleshe no ku mutemwa, kwali icintu cimo pa mulumendo icali icinecine. Icalungama. Pantu Baibele yatile apa, tulesanga muli Marko, “Na Yesu paku mulolesha, ali mu temenwe.” Ee, “Yesu paku mulolesha, ali mutemenwe.” Eico kanshi kufwile kwali icintu cimo icikankala palwa uyu muntu munono. Ena ali ni... a kwete imibele isuma, no kulingwa kwa mibele isuma. Ena ali mwaume uwa kushiwe bwino; uwamano, uwakampuka, uwasambiila, u walunduluka mu makwebo, kabili umwaume kapepa. Ena ali ne misango iingi iikankala, icakuti yali cebwile na Yesu Kristu u Mupusushi. Lelo lintu ena akumanishiwe, ukuba uwa lunduluka muli ifi fyonse ifyashala... .

<sup>105</sup> Ta pali icalubene; ena ali fye uwa putulwa bwino, uwa pimwa bwino, u wamano, isambililo lyalungama, ukulunduluka kwakwe, ena ali uwa kampuka, shimakwebo musuma, limbi ali mwibumba lya ba shimakwebo ukuntu kumo mu Palestaini. Ena limbi ali wamwisenge lyaba shimakwebo nga fintu tukwete muno bushiku, takuli ku twishika ena ali, pantu shimakwebo lyonse ala kwata isenge no munankwe, umo no munankwe.

<sup>106</sup> Pantu fye nge “fyuni fyangala,” bena balakwata ifintu ifya kulandapo. Kabili nga cakuti aba... Baume bakapepa, tabafwaya kulanda pa muntu u wakwata ing’anda yakunwinamo na bo... bonse pamo, pantu bena tabakwete icibakumine bonse. Ifwe tufwile ukukwata ifintu ifi tukumine

bonse. Eico a bena Kristu bakwata ifintu ifikumine abena Kristu; ababembu bakwata ifintu ifikumine pamo—pamo na babembu; kabili—kabili utubungwe, na fyonse fintu twena twaba, twena twakwata ifintu fikumine twena pamo. Kabili uyu mulumendo munono limbi ali kwi—senge lya bashimapepo.

<sup>107</sup> Kabili ena ali kapepa nganshi, pantu Yesu, mu kumwipusha apa, ena atile, “Nali sunga aya mafunde, nokuya konka ukufuma ku bwaice bwandi.” Ico ca cine.

<sup>108</sup> Mwamona, ena alikushiwe bwino, afundilwe bwino, ne fintu fyonse. Lelo lintu ena akumene ne—ne tontonkanyo pa Mweo wa Muyayaya. . . Nomba Nde fwaya imwe ukumona, ne mibele yakwe yonse intu akwete, ena libe alishibe ukuti takwete u Mweo wa Muyayaya.

<sup>109</sup> Nomba, tonse utubungwe twesu, ama chalichi yesu, bu membala bwesu ne fintu fintu twa i katilila, utubungwe twesu utwa mu America, ne fintu fyonse, fisuma saana, tapali ifyakulandapo ukupinkana nefyo. Kabili na ba Shimakwebo Abaume aba Mbila nsuma besu akabungwe kuno, cintu i cikalamba, cena cali mwinshi uwaisulwa kuli ine uku. . . pa matontonkanyo yandi aya kwampana kwa nkuta ukuti “ifwe tuli bena Kristu.”

<sup>110</sup> Takuli nelyo cimo (nelyo cimo icilonganino) icingasenda ifwe, umwina Kristu wine wine, pantu uli wakwa Lesa. Ifilonganino fya pangwa no muntu, no bwina Kristu bwa tumwa mu-Muulu. Lelo muli ifi fintu fyonse fintu ifwe twakwata, no busuma buntu fyaba, nobusuma bwa kukumana pamo, kabili no busuma mu kwampana kuntu twa kwata, nokukutuluka kwa kuba pamo uko twakwata, lelo cila umo alekumanya u *Mweo wa Muyayaya*. Kabili cibe twalunduluka shani mu bukwebo, ifyo ifwe twa lunduluka, kabili fintu twaba ba membala bakalamba mu chalichi, na fintu tubomba, fintu twesha ukucita ifintu bwino, lelo, nga cakuti ta cicitilwe mu nshila iyalungama, ku shinshimuna Lesa a pafye.

<sup>111</sup> Yesu alingile ico munshila imo ine, lintu Na iminina apa akashita. Ena atile, “Ukushinshimuna mu Nshinshimuna kwafye, amasambilisho basambilisha masambilisho ya bantu.” Nomba tontonkanyeni! Ubufuma cumi, uku shinshimuna kwa cishinka (no bufuma cumi bwa mutima obe) kuli Lesa, lelo kabili ukwafye! Ca tampile filya fine na Kaino, kwi bala lya Edeni. Ukushinshimuna mu bufuma cumi, lelo ali kenwe! Kapepa nganshi, libe uwakanwa!

<sup>112</sup> Mu Shreveport umulungu wapwa, umulungu pa ntanshi yawa kulekelesha, ku musonkano waba Shimakwebo Abaume, ku mwikulo kulya uko kwali i ingi imyanda ya bantu abakolongeni, Ine nasendele ba ora babili na citika uku landa pa: *Ukubombela Lesa U mulimo Ukwabula Ukuba Ubufwayo Bwakwa Lesa*. Nomba, ico cileumfwika iceni, lelo ifwe

tufwile twaibika mu nshila intu Lesa a teyanya kabili inshila yakwa Lesa iya kucitilamo. Nangu tutontonkanye shani ukuti nacilungama, cifwile ukuba ukulingana ne Cebo cakwa Shikulu nga te ifyo cafy. Kaino ashinshimwine, lelo tacali ukulingana ne Cebo cakwa Shikulu. Aba Faliseo ba shinshimwine, lelo ta cali ukulingana ne Cebo cakwa Shikulu. Kabili muli iyi ine mbila kuli ba Shimakwebo Abaume, Na fundile ici.

<sup>113</sup> Davidi, ena afwaile ukubombela Shikulu umulimo, kabili ali lungike mu fintu a sosele. Ena atile, “Bushe cintu ca lungama ukuti icipawo ca kwa Shikulu ukuba kulya? Na tu ci lete kuno.” Mu nshiku sha mfumu, imfumu imbi intu ena apyene. Atile, “Tacili ica lungama. Bena tabaipwishe Shikulu ukupitila mu cipao, lelo tufwile ukucita.” Nomba, ico cintu calungama, ico bafwile ukucita. Ena atile, “Ifwe tufwile ukuya senda icipao, elyo twingepusha Shikulu.” Kabili ico nacilungama, cali kulya mu calo cimbi. Atile, “Ifwe tufwile ukucileta kuno. Ukucileta kuno nokucibika mu ng’anda yesu kuno, no ku shinshimuna Shikulu.”

<sup>114</sup> Nomba moneni ena aile munshila iya lubana kukucicita. Ena aipwishe ba cilolo ba makumi ya sano ne myanda na makana. Bonse balipushiwe, cila umo. Ukumona cena cali bufwayo bwakwa Shikulu, camoneke kwati, nangu cali i—i Cebo cakwa Shikulu.

<sup>115</sup> I Cebo cakwa Shikulu, limo limo, u lingile uku Ci biika muncende ya Ciko nga te ifyo te Bufwayo bwa kwa Shikulu. Mwamona? Nomba lekeni ico cingile mukati na imwe mwalakwata u—u kwiluka pafyo Ine ndeesha ukulanda.

<sup>116</sup> Ine nshilefwaya i chalichi uku ponena mu ntampulo shintu imwe mwasangile bushilya kulya ku England: umushishi uutali, ne finso fya baume ifya lengwa, kabili aba alulwa. Ifwe ta tulefwaya filya! Nangu cingomfwika bukapepa shani, nangu shani Elvis Presley e ngemba inyimbo sha bukapepa, ena acili ni ciwa. Kabili Ine nshili kapingula, lelo “Ku fisabo fyabo mulabeshiba.” Mwamona? Ena ni Pentecosti, lelo ico tacilelenga ubupusano nelyo panono. Mwamona, ifisabo fyobe fishimika pa fyoo waba.

<sup>117</sup> Nangu Mupashi ese pali ena, kuti alandila mu ndimi, kuti ena apunda, kuti ena aundapa abalwele, kabili Yesu atile, “Abengi muli bena bakesa kuli Ine muli bulya bushiku, nokutila, ‘Shikulu, bushe Ine nshacitile *ici* na *cilya*?’” Kabili Ine nkatila, ‘Fumeni kuli Ine, imwe bakacita ba mampulu, Ine nshatalile mwishibapo.’” Mwamona?

<sup>118</sup> Ifwe tufwile ukuba abatuntulu, abena Kristu benebene, kabili ne nshila fye twinga citilamo ifyo ku kumana naco ne lipusho ili apa lilya “Mweo wa Muyayaya.”

<sup>119</sup> Kwabafye imibele imo iya Mweo wa Muyayaya, neyo ifuma kuli Lesa. Kabili Ena alashikile libela icibumbwa conse icili

no ku Ukwata. Nga fintu fye iwe wali a kabulungwa muli wiso, iwe wali akabulungwa muli Lesa; umu uwa mu mibele Yakwe icakubalilapo, nga teifyo iwe tawakatale auba Kulya. Iwe waishile ukupitila mu busanshi bwa ba noko; ba wiso tabakwishibe, iwe wali mumusana wabo. Kabili lintu iwe waishile fuma mu busanshi bwa banoko, nomba iwe waishileba umuntunse kabili u walengwa mu cipasho caba wiso, nomba kuti wawata isenge nabena. Kabili e cimocine kuli Lesa, nga cakuti uli no Mweo wa Muyayaya.

<sup>120</sup> Umweo untu iwe waisamo, umweo wa bubumbo, umweo wa mubili, uyo wali kupitila muli bawiso. Kabili ne nshila fye iwe wingesa fyalwa na kabili, e nshilafye, yakuti cifwile caba ukufuma kuli Shinwe wamu Muulu, imibele Yakwe. “Bonse bantu Taata a Mpela ba kesa kuli Ine.” Mwamona?

<sup>121</sup> Imwe muli pano pantu ishina lyenu lya bikilwe mwi Buuku la mwana wa Mpaanga ilya Mweo lintu ta kulati kube no mufula we sonde. Ico cilifye icalungama. Iwe uli kabulungwa, a kabulungwa ka ku mupashi ukufuma muli Shinwe waku Muulu, i ciputulwa ca Cebo cakwa Lesa. Ico ukuba ifyo, ngefyo Ine nsosele, nomba iwe wali na Yesu lintu Ena ali pano pantu Ena *ali* i Cebo: iwe wa culile Naankwe, wafwile Nankwe, wa shikilwe Nankwe, no kwima Nankwe, elyo nomba ukwikala muncende sha mu Myulu *muli* Ena!

<sup>122</sup> Moneni, Davidi atontonkanye ifintu fyonse ukuba bwino, kabili a ipwishe bonse aba bantu, kabili bena cila umu atampile ukucinda no kupunda no ku welesha. Bena bali ne micitile yonse iya bukapepa intu yali kulya, lelo nakuba tacali bufwayo bwa kwa Lesa ukuya kulya nokuleta i Cebo cakwa Lesa ukubwesha ku ng’anda yakwa Lesa. Lelo, mwamona, Lesa lyonse (mu nkulo shonse) abomba ukupitila mu nshila imo. Ukusala Kwakwe ukwakubala eukokwinefye ukusala Kwakwe, pantu Ena alipwililika mumisalile Yakwe. Ena tabala ukucita icintu kano Ena abala ukucisokolola ku babomfi Bakwe, ba kasesema. Ico nifyo finefye.

<sup>123</sup> Emulandu wine iyi, inkulo machalichi intu ifwe tule i kalamo, takuli i chalichi, takuli Methodisti, Baptisti, Pentecosti, nangu icintu cimbi, ici nga bika i Chalichi ici muli Nabwinga. Cili nokuba kwasuko bwakwa Malaki 4, pa kuti Lesa atume kasesema ukusokololwa kuli ena, pantu iyo e nshilafye. Ama chalichi yesu yalesa pamo no kubika icintu mucu mfulunganya na mu kukasabana, nga fintu baaba lyonse, kabili Lesa lyonse atuma bakasesema.

<sup>124</sup> Kabili kwali Nathani uwali mucalo, kasesema uwa shininkishiwe kucinso cakwa Lesa, kabili ena taipushiwe nakalya.

<sup>125</sup> Kabili bena baile kulya no kulufya umweo wa mwaume uwa cishinka, na fimbi po, nokusenda icipao. Mu ncende yaku cibika



pa fipeya fya bena Levi, ukucisenda, bene bacibikile peceleta pakucisenda. Fyonse ifya kasabana!

<sup>126</sup> Mwamona, nga ta muleenda ukulingana na ku—ku bufwayo bwakwa Lesa, nenshila intu Lesa atupa ukwendamo, bena lyonse bala Ci lenga ukukasabana noku Ci fumya ku cilonganino cimo, akabungwe, imbila imo, kabili nokutwalilila ifyo. Mwamona? Lyonse cicitwa muli iyo ine nshila.

<sup>127</sup> E cimo cine ne cintu uyu mulumendo a kumene naco. Aishilemo; ali ni—ni—ni membala nalimo u waba Faliseo nangu aba Saduke, nangu aka bungwe kakalamba aka bulya bushiku. Ena ali kapepa nganshi. Atile, “Ine nali konka aya mafunde Na lifundwa, ukutula ku bwaice Bwandi.” Mwamona? Na Yesu a mutemenwe pali ico. Lelo ena afililwe uku tungululwa, ena akene uku pokelela ubutungulushi bwine bwine ubwa kwa Yesu Kristu uku mupela u Mweo wa Muyayaya.

<sup>128</sup> Moneni, ena aceteketele ukuti kwali icintu cimo ica pusana na cintu akwete, nangu nga tatiile, “Kafundisha Musuma, cinshi cintu Ine ningacita nomba?”

<sup>129</sup> Mwamona, ena alefwaya ukucita icintu cimo pa lwakwe. Ifyo efyo tucita, ifwe tufwaya ukucita icintu cimo palwesu. U Bupe bwakwa Lesa bupe bwabula ukulipila. Lesa a Cipela kuli iwe, tacitapo nelyo cintu cimo kuli Ici. Ena a Ci lashike kuli iwe, kabili uli noku Ci kwata. Mwamona?

<sup>130</sup> Moneni, ena alishibe ukuti epo Cali. Ena aliceteketele muli Cena no ku Ci kabila. Lelo lintu ena akumene nenshila yaku citilamo, cene capusene nefishilano fyakwe. Cali ica pusana. Ena asungile indalama shakwe kabili nokuba mu chalichi ico aali, na fimbipo. Lelo Yesu alishibe ico, kabili alishibe ukuti ena aali abikile ishi indalama, kabili Ena atiile, “Kabiye kashitishe fyonse fintu wakwata, no kupela kubabusu. Kabili wise, usende icapindama cobe noku Nkonka, kabili uli nokukwata ifyuma mu Muulu.” Lelo ena ta cicitile.

<sup>131</sup> Shimbi intungulushi shintu ena akwete munshiku sha bulumendo bwakwe, shakwete ulongolo pali ena mpaka akene ukupokelela Inshila yakwa Lesa iya bikwa, iyali ni Yesu Kristu; Umofye uwaba no Mweo wa Muyayaya, e Umo fye uwinga kupela Ico. Te chalichi cinga kupela u Mweo wa Muyayaya; te mwina mupalamano obe; te kakumba obe; te shimapepo obe; te sambilisho lyobe; ni Yesu Kristu fye Umwine ewinga kupela iwe u Mweo wa Muyayaya. Ena e . . .

<sup>132</sup> Temulandu nangu wingaba umusuma shani, fintu walekele ukucita, efyo watampa ukucita, ufwile wapokelela u *Muntu* Shikulu Yesu Kristu. Kabili nomba lintu wacita ico, Ena e Cebo, kabili nomba umweo obe waba uwalinga bwino mu Cebo kabili Wena waisokolola pa Lwauko muli ino nkulo iyo tuleikalilamo.

<sup>133</sup> Noa acitile ico pakuti i Cebo cinga sokololwa munkulo yakwe. Nomba, nga cakuti Mose aishile, nokutiila, “Ifwe

twalishiba fintu Noa acitile, twala senda i cebo cakwa Noa. Ifwe twalacicita nga fintu Noa aci citile. Ifwe twalakuula u—u bwato no kwelela ukukonka Umumana wa Nile, no ku fuma mu Egypto”? Cinshi, cena nga tacabombele. Mwamona, ilya yali ninkulo imbi.

<sup>134</sup> Yesu taishile nembila yakwa Mose; Luther taishile nembila yaba Katolika; Wesley taishile nembila yakwa Luther; ba Pentecosti tabaishile nembila ya nkulo yakwa Wesley. Kabili Nabwinga te kuti a pangwe mu cilonganino ca Pentecosti, ico teti cicitwe. Kabili ico cilifye bwino. Bene bali bunganishiwa nokufumina kuno, kabili ena aikala palya, kwati fye pamo ngabena abashala. Cena ci paaapa. Nga fintu fye umweo wisa wenda ukupitila mu . . . Mwamona?

<sup>135</sup> Ulya kalemba, nga fintu Ine nasosele ubushiku bumo, ulya kalemba u walembele ili buuku . . . Kabili te pa mulandu ena a nsushishe nganshi, ukutla Ine nali “iciwa, nga cakuti kwatala akuba ica musango ngoyo.” Eico ena atiile ena tacetekela muli Lesa. Ena atiile, “Lesa Umo uyo uwingapeta amaboko Yakwe nokwikala nokumona bamufwila kristu, mu nkulo shakubalilapo, kabili nokulanda ukuti alikwata amaka ya kwisula Bemba wa Kashika, kabili ukuleka balya banakashi nabana uku lepaulwa mu fipimfya ku nkalamo na fimbi po, elyo atile Ena ni Lesa wakutemwa.” Atile, “Takwaba icibumbwa ca musango ngoyo.” Mwamona, umuntu, uwabula ukusubwa ku Cebo, alafilwa uku Ci mona.

<sup>136</sup> Uluseke lwakubalilapo ulwa ng’ano, Shibwinga, lwali no kuponena mu mushili pa kuti lwingema na kabili. Efyu citile na Nabwinga wa kubalilapo uwa fyelwe pa Pentecosti ali nokupula mu Nkulo ya Mfimi cimo ngo lubuto lonse, ukushikwa. Bali no kufwa. Bafwile ukucita ico. Lelo lwatampile ukumena nakabili muli Luther, mu kupilibulwa kwakubalilapo. Lwene talwamoneke ngo lubuto ulwa shikilwe, lelo lwali u Lubuuto lwa bulya bushiku. Umupeti wakulile ukuya mumpupunga, Wesley. Kabili ukufuma mu mpupunga caile mu Pentecosti, icipapa.

<sup>137</sup> Lintu mwamona mu ng’ano, ilyo shamena, ulubuto lwa ng’ano, umuntu uwalimapo ing’ano, iwe wafuma no kuya mona ilya mibele ya ng’ano mulya, lwena lumonekafye bwino bwino kwati lubuto. Lelo ngacakuti mwabula akakulepwilako no kwikala no kubula ilya ng’ano no kuilepula, tamuli ulubuto nakalya. Cena cipapafye. Kabili nomba cinshi? Lwena—lwena lupangwa mulya, ukusunga ulubuto. Mwamona? Kabili nomba, icintu cakubalilapo mufwile ukwishiba, umweo wafumine mu—mu—mu mupeti nokuya mu mpupunga; wafuma mu mpupunga waingila mucipapa; wafuma mucipapa no kwingila mu ng’ano. Mu fipandwa fitatu, mwamona, ifya ciko. Elyo nomba ukupangwa *kunse* ya Ng’ano ya fipandwa fitatu (Luther, Wesley, Pentecosti). Bwino bwino fye. Mwamona, ukwabula ukutwishika. Teti ucilinganye ububumbo.

<sup>138</sup> Nomba lolesheni, cila myaka itatu iya kutumwa kwa Mbila ukufuma kuli Lesa, bena baampene pamo. Iyi naifika imyaka amakumi yabili, kabili takwaba akabungwe. Takakabeko. Mwamona? Nomba icipapa cifwile ukufumako, ukupela i Ng'ano akashita kakuba pa cinso ca Mwana, ukuba ulwapy; i Mbila ukwisa nokubwelela mu Chalichi na kabili, ukupanga u Mubili wa kwa Yesu Kristu kwati fye ni Umo uwakubalilapo uwaingile mumushili. Nomba, pakumona u—u Mweo wa Muyayaya.

<sup>139</sup> U Mweo, icinecine u—u mupeti ku numako uku wasendele u Mweo. Bwino bwino fye, eflyo wacitile. Lelo, mwamona, lintu casangwike umupeti kabili calipwile, akabungwe, u Mweo wa twalilile ukwingila muli Wesley; waishile fuma, nokwingila. Kabili panshita imo, cila umo pali bena . . . Limo, ibula likalamba, talumoneka kwati lubuto. Lelo ilintu aka bulungwa akanono kaisa, kwati ka . . . pa ci—ci papa . . . nangu pa pamupeti, utubulungwa twa mi mpupunga, lwena lumonekafye lonse kwati lubuto. Lelo lintu lwaisa fika pacipapa, lwena ni mupepi nokufika palya.

<sup>140</sup> Bushe Yesu talanda ukutiila, “Mu nshiku sha kulekelesha” (Mateo 24:24) “fibili fikaba ifyapalana icakuti kuti fyabepa nailya iine imyeo, iyamwenwa kalibela, Abo a Basalwa, nga cinga citwa”? Mupepi fye kwati cintu icituntulu, mwamona. Eico, munshiku shakulekelesha. Nomba, mwamona, ninshita ya ng'ano nomba. Ilepalama ku nshita yakusombola. Iyi te nkulo yakwa Luther, iyi te nkulo yaba Pentecosti, iyi ni nkulo ya kwa Nabwinga.

<sup>141</sup> Nga fintu Mose aitile icalo ukufuma mucalo, Kristu ileelo aleita i Chalichi ukufuma mu chalichi, mwamona; icintu cimo cine mu cipasho, ukubatwala ku yabukata iya Muyayaya Incende Yabulayo.

<sup>142</sup> Nomba, ukukana ulya Muntu u uleita, Kristu, tacili mulandu ngacakuti iwe uli Pentecosti, Methodisti, Luther, conse icintu uli, ufwile uku . . . Ino nkulo! Tapali ica kulwishanya nabena, nakalya, lelo muli ino nkulo *nomba* imwe mufwile ukupokelela (nga fintu bacitile muli ilya nkulo) u Muntu wakwa Kristu uuli i Cebo!

*Mu kutendeka mwali Cebo, kabili Cebo ali pamo na Lesa, kabili Cebo ali ni Lesa.*

*Kabili Cebo aishileba umubili, no kwikala pakati kesu, . . .*

*. . . umo wine mailo, . . . ileelo, no muyayaya.*

Abahebere 13:8. Mwamona, imwe mufwile ukupokelela ulya Muntu wa Mweo wa Muyayaya!

<sup>143</sup> Nomba, Umweo untu Luther akwete, wali kulungamikwa. Wesley akwete ukusangululwa, ukwa lundilweko. Ba Pentecosti bakwete ukubwekeshiwapo kwa fyabupe ukubwelelamo

muli ena, ukulundwako. Lelo nomba cilepwililika mumubili, mwamona, intampulo shitatu isha uko, kabili ukufuma muli ico. . . Nomba, ilyo ukututubuka kwaisa, u Mweo u wali muli balya abena Luther, uwafuminemo, u Mweo uwali muli ba Methodisti nokufuma, u Mweo uwangile muli ba Pentecosti, onse ukasumbulwa ukufuma mu mushili mu Mubili wakwa Nabwina kukwingishiwa mu cinso cakwa Yesu Kristu. Ubukata kuli Lesa! Oh, cansansa! Cena Cishinka!

<sup>144</sup> Ifwe twalyaluka pacifutu! Ifwe tulelolesha ku Muulu, ukulolela ukwisa; i Nsonshi pa Pyramidi, nga fintu tu nga sosa, ukubwela Kwakwe! i Chalichi cifwile ukubushiwa nomba line, kabili ifwe tufwile twaba abaiteyanya.

<sup>145</sup> Kabili inshilafye mwingabelamo, te kusosa ukuti, “Cisuma, Ine ndi waba Assemblies. Ine ndi waba Oneness, Twoness,” nangu icili conse, bonse kulya, “Ine ndi wa ku Church of God,” ico tacipilibula nelyo cimo. “Ba shifwe bapundile nokucinda,” ico cili fye bwino, bulya bwali bushiku *bwabo*. Lelo *ileelo* imwe tamukumene na kabungwe kantu bena bacitile, lelo nipamo no Mweo u ulipo, u uli ni Yesu Kristu.

<sup>146</sup> Uyu muntu munono acitile icintu cimo cine. Mose alembele yalya mafunde. Lelo, mwamona, Lesa umu wine uwalembele amafunde, ukupitila muli ba kasesema Bakwe, eumo wine uwa seseme ubushiku buli nokwisa, “Ndi nokwimya Kasesema u uli nga ine. Kabili cikesaba ukuti bonse abashaka Mumfwe bakaputulwako”; ukubwelela mu ifipapa ne mpupunga sha filonganino. Bena bafwile uku twalilila ku Mweo. Kabili ileelo, mwitila, “Ndi Pentecosti. Ndi wa *ici*, Ndi wa *cilya*.” Ico tacipilibula nelyo cimo. Imwe mufwile ukupokelela u Muntu Kristu, u Mweo wa Muyayaya. U ukumana nacila umu muli ifwe! Mwilaba ico.

<sup>147</sup> Shimbi intungulushi, mwamona, shali mwikatilile nganshi. Abantu babo bafundwa, “Ukuba, ifwe twaba *uku*, kabili tuli ba *kulya*,” kabili ba mwikatilile nganshi. Lelo we cintu ca busanso, ukukana ubutungulushi bwa Mweo wa Muyayaya!

<sup>148</sup> Nomba, ulya Mweo uli pano muno bushiku. Ico cacine. Mupashi wa Mushilo ali pano, u uli ni Kristu mu mibele ya Mupashi; u Mupashi Wakwe, ukusubwa kuli pano.

. . . *akashita kanono, na ba mwisonde ta bakamone kabili; lelo imwe muka mona: . . .*

. . . Pantu Ine nkaba *na imwe*, na muli imwe, ukufika ku kupwa, *ku mpela ya calo*.

<sup>149</sup> Yesu fye eka kuti akutungulula kuli ulya Mweo wa Muyayaya. Takuli i chalichi, takuli cilonganino, takuli kashimikila, takuli shimapepo, takuli nangu cimo icashala icinga tungulula iwe kuli Uyo, iwe ufwile ukutungulululwa na Ena, Umo fye uunga kutungulula.

<sup>150</sup> Bushe kuti imwe mwaelenganya Ena ukumutungulula kunse ukufuma mu Cebo Cakwe, icili ni Ena? Kabili nga Ena e Cebo, na imwe muli ciputulwa Cakwe, bushe tekuti mube iciputulwa ca Cebo? I Cebo cintu Lesa alefwaya ukupongolwelapo amenshi ye pusukilo ileelo, uku Mwishiba ileelo; nga fintu abatumwa ba Mwishibe, nga Luther, nga Wesley, nga mu bantu muli shilya nshiku ba Mwishibe. Ino ni nkulo imbi. Cena e Cebo! I Cebo casosele ifi fintu ifyo tulemona ukucitika nomba, fyalailwe ukucitika muli iyi nshita. Eico sumineni Yesu Kristu nokuleka Ena amutungulule ku Mweo wa Muyayaya.

<sup>151</sup> Nangu ena akwanishe, uyu muntu umunono...Ena alikwanishe fintu fyonse ifisuma. Mu sukulu, ali bwino. Nga umulumendo umusuma, takuli kutwishika, ena ali umusuma. Nga umufyashi mwinemwine...Mu kumfwa kuli wishi mumakwebo, ena ali umusuma—umusuma umulumendo. Umusuma kubafyashi bakwe. Ena ali uwabela kuli shimapepo wakwe. Ali uwabela ku chalichi cakwe. Ali uwabela ku mafunde yakwa Lesa. Lelo ena alufishe icintu icikalamba nganshi, kabili fyonse ifyashala ta fyapilibwile nangu cimo kuli ena lintu akene ubutungulushi bwa Mweo wa Muyayaya, Yesu Kristu.

<sup>152</sup> Moneni! Ubu ubutungulushi bulekumana na cila umo muli ifwe ileelo, icintu cimo cine ngafintu cacitile kuli ulya mulumendo, ifwe...nangu ifwe tungabashani ba kapepa. Iwe kuti waba Katolika, kuti waba Baptisti, Methodistit, nangu kuti waba ba Pentecosti, nangu conse ico uli, ici cintu cimocine cilekumana na iwe muno bushiku: u Mweo wa Muyayaya, ico e, ku pokelela kwa kwa Yesu Kristu. Ifwe natupelwa iyi inshita.

<sup>153</sup> Inshita imo mu bumi ifwe tufwile ukukumana ne cintu nga fintufye uyu mulumendo acitile, pantu muli bena kufwa kabili mwalipelwa—mwalipelwa inshita yakusala. Imwe namukwata ukusala. Lesa acipangile ukuti imwe mwinga sala. Nga cakuti Ena abikile Adamu na Efa pa buntungwa pakuti bena benga sala, kabili nomba bena balufyenye mukusala, kabili, mwamona, Ena kuti acitapo ukucila kuli imwe ukucila fintu Ena acitile bena. Ena afwile ukubika kuli imwe icintu cimocine pakuti imwe mwinga sala nangu ukukana.

Imwe namukwata ukusala. Na tumone pali bamo muli bena:

<sup>154</sup> Imwe namukwata ukusala, ngo mulumendo, nga cakuti mukasambilila nangu iyo. Imwe namukwata uko kusala. Imwe kuti mwatemwa ukuba “ukukana cikwata fye,” imwe kuti mwacikanafye.

<sup>155</sup> Iwe naukwata ukusala ukwa mibele yobe. Ine nala cenako panono apa. Mwamona? Iwe kuti waya nokuleka imishishi yobe uku kula nokuba umu Beatle nangu bamo aba abatuutu.

<sup>156</sup> Nangu imwe mwebanakashi, kuti mwamoneka nga u—u muntunse uwacindama nangu kuti mwaba umo uwamuli ifi ifibumbwa fyalubana fintu twakwata kunse kulya, abamenso

ya makumbi makumbi. Kabili abamitwe-yaputulwa imishishi mumbali na fimbi, bena balisusha umupwilapo i Cebo cakwa Lesa, icili icapusana nganshi; takuli nokupepa. . . teti apepe ipepo ilinga pokelelwa. Ico ca Cishinka. Ico cintu calungama sanasana. Ifyo efyo Baibele yasosa.

<sup>157</sup> Lelo cinshi cacitika kuli imwe mwe, chalichi? Imwe mulamona ifintu ifingi pafitunshi tunshi, ifintu ifingi ifya mwisonde, cintu ica anguka icacifyalilwa icakwa Adamu icakale ukwingila muli ico, nokucita kwati nibambi abashalako.

<sup>158</sup> Leken i Mbwekeshepo ici nakabili! Mu mukate wabula icitutumushi, mukupela ukwa ca—ca—ca ku konsolwelapo munshiku shakwa Mose, lintu Mose afumishe abana, kwali nokuba inshiku cine lubali isho ishali nokuba ukuti tapafwile ukuba icitutumushi pa kati ka bantu. Onse alishiba ukuti. Mu Kufuma, “Tamufwile ukuba icitutumushi ukusangwa mu nkambi yenu nakalya, mu nshiku cine lubali.” Shilya *inshiku cine lubali* shaleiminako umwisulo uwapwilika “uwa nkulo shama chalichi cine lubali.” Mwamona?

<sup>159</sup> “Tamuli icitutumushi.” Nomba, cinshi ico? Tamuli isambilisho, tamuli isonde. Yesu atiile, “Nga cakuti mwatemwa isonde nangu ifintu ifya mwisonde, ukutemwa kwakwa Lesa takwaba muli iwe.” Mwamona? Kabili ifwe tuleesha ukusakanya ico; imwe tekuti mucite ico! Imwe mufwile ukwisa ku cintu *cimo* ukucetekela: iwe limbi kuti wacetekela Lesa, iwe limbi kuti wacetekela i chalichi cobe, iwe limbi kuti wacetekela isonde, iwe kuti. . . Teti ucisakanye pamo. Kabili teti ucikatilile pamo nefintu ifyakale ifyo i chalichi kunuma cacitile. Iwe ufwile wasendafye Imbila ya nshita.

<sup>160</sup> Ene atiile, “Ifyo ifyashhelepo, tamufwile mwafisunga ukufika kulucelo (ukwisa muli iyi nkulo imbi), moce no mulilo; fyonaike.” Ukutila inkulo iyo mule ikalilamo, i Mbila ya ino nkulo, Cifwile ukuletwa ukufuma mu Malembo kabili ica langishiwa kabili ica shininkishiwa na Lesa ukuti cena ni Lesa eulecita ico. Nomba iwe ufwile limbi wapokelela Ico nangu ukukana Ico. Uyo Mweo wa Muyayaya, ubutungulushi ubwa Mupashi wa Mushilo, ukutungulula i Chalichi Cakwe.

<sup>161</sup> Kuti twaikala pali ico pa nshita iitali, lelo lekeni tusele, tutwalililefye ukusela ukuya kuntanshi.

<sup>162</sup> Ukusala kwa mibele yobe. Iwe kuti. . . Iwe teti usakanye ico nomba. Iwe limbi kuti waba kulubali lwakwa Lesa nangu ukukana Lesa, kabili ukulangwa kwa kunse kulangishafye bwino bwino ico icili mu kati. Mwamona? Icisabo camyunga. . . Imwe mwebengi mutontonkanya, “Nalikwata ulubatiso lwa Mupashi wa Mushilo, Ndi nokuya ku Muulu.” Ico tacilepilibula icintu cimo icakutila uli nokuya ku Muulu. Iyo, mukwai. Iwe kuti wakwata ulubatiso lwa Mupashi wa Mushilo inshita yonse mu

mweo obe, kabili nokuba uwaluba nokuya kumbo. Baibele efyo yasosa ifyo. Uh-huh, ico nacilungama.

<sup>163</sup> Lolesha kuno, iwe uli muntu wakunse. Iwe walikwata amano yasano ayo ayomfwana no mubili wa kunse. Lesa akupele amano yasano; teyakumfwana Nankwe, lelo ing'anda yobe iya pesonde: ukumona, ukusonda, ukwikata, ukununsha, no kumfwa.

<sup>164</sup> Elyo imwe mwalikwata umupashi mukati ka uyo, kabili wakwata iminshi isano: kampingu, ne citemwiko, na fimbi po. Iminshi isano intu imwe mwampaninako ne calo ca mupashi, lelo niku mupashi wenu.

<sup>165</sup> Umubili wenu wampana no mubili. Umupashi wenu wampana no mupashi. Lelo mukati ka uyo imwe mwalikwata umweo, kabili uyo mweo e kalya kabulungwa akafuma kuli Lesa.

<sup>166</sup> Kabili nga fintu umwana apangwa mwi fumo lyakwa nyina. Ilyo umwana aba mwi—mwi fumo lyakwa nyina ukupitila mu kabulungwa, ke ngila mu lini, ta kapanga akabulungwa kamo umuntunse, akakonkapo imbwa, kabili akakonkapo pushi, kabili akakonkapo kabalwe. Tonse tu bulungwa twa buntunse pantu tule kulwa ukufuma ku kabulungwa ka kubalilapo aka buntunse.

<sup>167</sup> Kabili lintu u muntu afyalwa cipyacipya ku Cebo cakwa Lesa, u walashikilwa libela, ku Mweo wa Muyayaya, uwitwa “Aba Salwa,” cikaba Cebo cakwa Lesa pa mulu wa Cebo, Cebo pa Cebo! Te sambilisho lya cilonganino kabili elyo i Cebo, kabili i sambilisho; kabili teti cibombe. Teti imwe mubikemo icitutumushi muli Cena! Ni umo fye u Mweo wa Muyayaya, Yesu Kristu i Cebo:

*Pa kutendeka kwali Cebo, kabili Cebo ali na Lesa,  
kabili Cebo ali e Lesa wine.*

*Kabili Cebo aishile ba umubili, no kwikala pakati  
kesu, . . .*

<sup>168</sup> Mwe fibusa, imwe mulaliisha abana bandi. Imwe mulantuma ukucilinganya amabala ya minshoni kwisonde, ukutwala Imbila. Ine mfwile naba uwa cishinka kuli imwe. Cintu Ine ndeloleshapo, limbi tamucimona. E cintu Ine mbelele kuno ukwesha ukumweba. Te mulandu wakuti Ine nshatemwa abantu, mulandu wakuti Ine nalitemwa abantu. Ukulungamika. Lintu Ine ndemona ukutelemuka kwa chalichi, ukufuma ko, ukutila, “Cisuma, ifwe twacitile *ici* kabili twacitile *cilya*,” kabili ukulolesha pa chalichi nokumona i . . . Tekutifye cibombe.

<sup>169</sup> Lyena lolesheni apa mu Baibele nokumona cifwile ukuba ifyo pa mpela, ilya iya cifulefule Inkulo ya Nkuta ya Laodikia, ukufumisha Yesu kunse (i Cebo). Ena tabalile eta . . . Ena takete ulukuta. Ena atile, “Bonse abo Ine natemwa, Nde bakalipila. Nda bakanda.” Ukusenda i Cebo noku Cishindailapo,

kabili ukutila “Imwe mwaliluba muli ici!” E mulandu Ine na mutemenwa. “Nga cakuti kuti mwaisula iciibi nokuleka Ine nyingile, Nkesamo no kulya pamo na imwe.” Te chalichi, Ena ali tamfiwa muli ulo.

<sup>170</sup> Ena aleya ku Cisaka cabu Kapepa. Uko eko ena aya, ukubwelela mu Roma uko afumine. Kabili ico cili bwino bwino fye. Ninkwata ico icalembwa pe pepala ukufuma pamyaka amakumi yabili na issano iyapitapo nangu imyaka amakumi yatatu na itatu iyapitapo, kabili ifyo eflyo cena caba. Te ico ceka, cali lembwa muli Baibele, ukufuma mu cimonwa. Alibwelelamo. Takuli nshila yaku cisungilamo ico, caliya! Cabela muli iyo ine inshila.

<sup>171</sup> Lesa aleita *umo umo*. “Ninjiminina pa mwinshi noku konkonsha. Nga cakuti umuntu onse, uuli onse...” Umuntu umo ukufuma mwikana, limbi kuti caba umo ukufuma muli millionsi.

<sup>172</sup> Ngafintu Na landile inshiku shinono ishapitapo. Lintu Israeli afumine mu Egypto, balifye abantu ama millionsi yabili abafumine, kabili ama millionsi yabili fye; umo fye... abantu babili fye ebaingile mo. Umo ukufuma muli millionsi imo. Bushe mwalishiba ico? Kalebu na YOSHUA.

<sup>173</sup> Kabili Yesu, lintu Aali pesonde, batiile, “Ba taata balile manna mu matololo. Tulesunga intambi. Kabili tulecita *ici*. Natwishiba apo twiminine!”

<sup>174</sup> Aatiile, “Nalishiba ukuti ba wiso balile mana mu matololo, kabili bena cila umo alipatuka Umuyayaya. Balifwa!”

<sup>175</sup> Lintu insande insande shafuma ku mwaume nangu ku mwanakashi, mulaba ama millionsi yamani ukufuma, mulaba ama millionsi yatubulungwa twa mweo utufuma. Kabili ukufuma muli twena tonse utubulungwa utwa mweo, utwa musango uyo...Nga cakuti—nga cakuti kufuma ku ng’ombe iilume, nangu umwaume, nangu icili conse, mubafye ama millionsi yatubulungwa twa mweo, utubulungwa twa mweo ukulabomba. Mulya mubafye kamo pali tulya utubulungwa twa mweo ako akalashikilwe ku mweo, pantu kubafye ilini limo kulya, ilya bufyashi, uku kumanya lyena. Ico cacine. Limofye ilini lwena lu kumanya. Cimo fye kwati uyu mubili uli apa, kabili uluseke lwa fuma kuli Lesa. Mwamona? Kabili moneni aka kaluseke ukwisa pakati ka utu useke tumbi, kabili kapeka muli twena, ukupitafye mulitwena, ukwisa uku lubali no kwisa sanga lilya ilini ilyapya no—no ku kulika ukwingila mukatifye ka liko; notwashala twafwa.

<sup>176</sup> Nga nga cakuti cali ifyo ne chalichi ileelo, umo ukufuma pa mintapendwa? Mwamona ifyo cingaba? “Iya loloka kabili iyakamfyefye e Nshila, kabili banono abaka I sanga; pantu intu yasalala inshila i itwala kubonaushi, kabili bengi aba sangwamo.”



“Bushe ico cacine, Munyina Branham?” Ine nshishibe, lelo Ine nde ambula fye Amalembo. Mwamona?

<sup>177</sup> Nomba, imwe mwalashikilwe ku Mweo. Imwe mule Cimona nga cakuti imwe mwalashikilwe uku Cimona. Nga cakuti imwe ta mwalashikilwe uku Cimona, ta mwaka Cimone. Atile, “Bena balikwata a menso lelo tekuti bamone, amatwi kabili tekuti bomfwe.” Ifyo mufwile mwaba abatotela, mwe chalichi! Ifyo imwe mufwile ukulungama mwebene ukufuma kuli ifi fintu! Ifyo mufwile ukuba abakaba kuli Lesa! Ukuti amenso yenu yale mona fintu imwe mulemona, amatwi yenu yomfwa ifintu bumona. Ubutungulushi! Cinshi imwe mwacishila kuno muno bushiku ku kumfwa i Mbila nga Iyi? Ine naishibikwa ukushinguluka isonde, ku machalichi, nga “uwafulungana.” Cinshi imwe mwacishila? Mupashi wa Mushilo acimutungulula kuno (mwamona? mwamona?) kukumfwa. Sembululeni! Putuleni ifintu fye sonde, pokeleleni ubutungulushi bwa kwa Yesu Kristu, nangu imwe ukuloba icine cine nge sonde.

<sup>178</sup> Imwe na mukwata ukusala kwa mibele. Ifintu muleisunga mwebene, ico cili kuli imwe.

<sup>179</sup> Imwe mwalikwata ukusala kwa mukashi. Imwe mwafuma no kuya senda umukashi. Imwe mulefwaya ukupa umukashi, imwe mufwaya ukusenda uyo u usuminishiwe ku yenu. . .ku fintu mulefwaya ifyenu. . .ukuteyanya kwa ng’anda yenu iya ku ntansi ili nokuba. Bushe kuti mwaelenganya umwaume, umwina Kristu umwaume, ukufumina kulya no kusenda umo muli aba ba Ricketta ba nomba ukuba umukashi? Huh? Bushe kuti mwa elenganya? Finshi fintu umwaume ale tontonkanya po? Ni ng’anda ya musango shani intu ena ali noku kwata nga cakuti asenda kasotola wa fyakufwala, cenda bwamba ukufuma pa musebo kunse uku, cilende wa mu musebo? “Oh,” imwe mwatila, “nomba, lolalako miniti.” Ena afwala shani? Mwamona? Mwamona? Ukufwala utuputula ne fintu, ena ni cilende wa pa musebo. “Oh,” imwe mwatila, “nomba, Munyina Branham!” Oh, uto utunono utwapapatila tu shiketi, uku moneka kwati imwe naba mupongolwela mo, cilende wa mu musebo.

<sup>180</sup> Yesu atile, “Uyo onse uwalolesha pa mwanakashi no lunkumbwa kuli ena, na cita ubulalalale nankwe mu mutima wakwe.” Lyena ena ali no kwasukilapo pali ico. Kabili umwanakashi acitile cinshi? Ena aipele umwine. Nani ali nomulandu? Ci tontonkanyeni po.

<sup>181</sup> Imwe mwatiila, “Bena tabapanga insalu ishaibela.” Ba likwata ifipe naba mashini ba kubililako. Takuli akabepesho. Huh-uh. Nifyo fine.

<sup>182</sup> Nomba, Ine nshilefwaya ukumicena. Kabili ici te mipulwe, ici ni EFYA SOSA SHIKULU ukufuma mu Malembo. Ico cacine fye, cibusa. Ine ndi mwaume umukote, Ine nshili na

nshitankalamba iya kwikala, lelo Mfwile ukumweba i Cishinka. Ngacakuti iyi e mbila yandi iyakulekelesha, ici Cishinka. Mwamona? Wicita, nkanshi. Wicita, munyina.

<sup>183</sup> Kabili imwe mwebantu mwe bale ikatilila kwi—kwi sambilisho, kabili ukwishiba i Cebo cakwa Lesa ukula shininkishiwa ku cinso cenufye. Ulubatisho lwa Mupashi wa Mushilo ne fi ifintu ifine fine fintu tuli nafyo ilelo, kabili lyena, pa mulandu we sambilisho lyenu, mwaalukako kuli Cena? Kuti waba shani umwana mwaume wakwa Lesa no ku kana i Cebo cakwa Lesa ica sobelwe kuli ishi inshiku sha mpela shintu ifwe tuleikalilamo? Nishani mungacita ifi? Ni shani fintu Baibele ingeta ici . . .

<sup>184</sup> Ngafintu Ine na sosele ubushiku ubwafumako palwa i—imfumu umuku umo, kulya ku Kapinda kakukuso, lintu bakwete abafita kulya abaleshitwa ku busha. Cinshi, bena tabapusenefye na—na icisankano ca ba motoka ba bomfiwapo, mulesanga umutengo wakushitisha pali bena. Kabili cali Nsungwishe, pa ncende inono. . . Ine nabelengele ubushiku bumo uko ka—ka sombwesha aishile mu ku shita bamo, kabili atile, “Ukuba, nomba, Ine kuti natemwa. . .” Bena bali no bulanda, imwe kano mwa balopola bena, uku balenga uku bomba pantu bena bali ukutali na ku mwabo. Bena bali shitishiwe, abasha. Kabili bena ukuba mucalo iceni cintu bashishibe nelyo cimo palwa ciko, kabili tabakatale ababwelela ku mwabo nakabili, kabili bali no bulanda. Imwe kano mwabalopola, ukubalenga bena babomba. Lelo uyu kasombweshwa aishile ku cilime cimo.

<sup>185</sup> Umo umuntu umunono mulya ne cifuba cakwe icatutubala, akalefulefu kakwe pamulu, ena talefwaikwa imwe ukumukapa. Ena aleimafye, kabili alekoselesha abashala.

Ka sombwesha atile, “Ine nalamushita.”

<sup>186</sup> Atile, “Ena tewa kushitisha. Nshacite ifyo. Iwe tawa mushite, pantu ena tewa ku shitisha.”

<sup>187</sup> Ena atile, “Ukuba, cinshi cile mulenga ukuba uwapusana sana?” Atile, “Bushe ena emukalamba pa bashala?”

Atile, “Iyo.”

Atile, “Bushe mumulisha ifyapusana?”

<sup>188</sup> Atile, “Iyo. Ena musha, alya mulya mu muputule wakulilamo pamo nabashala.”

Atile, “Cinshi cimulenga ukuba uwaiibela sana?”

<sup>189</sup> Ena atile, “Nalesunguka naine, ukufika lintu Nasangile. Kulya mu Africa (uko bena bafuma, uko ama Bunu yabashitile, nokubaleta kuno lubali kabili ukubashitisha mu busha), kulya lubali wishi ni mfumu ya mutundu. Kabili cibe, mweni, ukutali nakumwabo, ena alishiba ena mwana mwaume uwamfumu ya mutundu. Eico ena aisunga ifyo fine.”

190 We kukalipilwa ku bwina Kristu! Ifwe tufwile ukwiminako Lesa no Mweo wa Muyayaya. Kwaba fye imibele imo iya Mweo wa Muyayaya, kabili uyo ni Lesa. Ena eka ewakwata u Mweo wa Muyayaya. Kabili ifwe tuli fisabo Fyakwe, pantu ifwe tuli tubulungwa twa Mupashi Wakwe. Nomba tufwile ukuisunga, abanakashi na baume, nga fintu Baibele yasosa ifwe ukucita. Te ba Yesebeli ba mumisebo, naba Ricki ba mu filonganino; lelo abena Kristu bashimucindikwa, abanabaume na banabanakashi bakwa Lesa, abafyalwa ku Mupashi wakwa Lesa, ukulanga u Lubuuto mu nshiku shesu noku Lu sabankanya. Ico cacinefye.

191 Ifyo ifwe twattelemtuka ukufuma kuli Lwena! Cinshi? Icintu cimo cine uyu mulumendo acitile apa. Ena akene, akene u Mweo wa Muyayaya, pantu Cali nokumulenga ukulufya ukwiminina kwakwe mwibumba, Cali nokumulenga ukulufya ubwakwe—ubwakwe—ubwakwe ubusuma bwandalama, Cali no kumulenga ukulufya isenge lyakwe mulukuta, Cali nokumulenga ukulufya ifintu ifingi. Ena alishibe ifyo Cena cali nokumulenga ukulupililapo, ena ali umulumendo wamano, kabili ena amwene ukuti tekuti alipililepo umutengo. Lelo ena atontonkenye ukuti, “Ine nala cetekelafye imipepele yandi nokutwalilila.” Lelo panshi ya mutima wakwe alishibe ukuti pali icintu cimo pali Yesu Kristu icapusene na bashimapepo babulya bushiku.

192 Kabili i Mbila i ili yonse i ileisamo, umwine mwine, uwafyalwa ku Mbila yakwa Lesa, aliba uwapusana nemibele yakale. Lintu ubundapishi bwa Bulesa bwatampile, tekale sana, bushe mwali mwene ifyo ba bakapashanya babukonkele? Mwamona? Kabili onse muli bena alifye mulya mufilonganino, ukwikalamo. Bushe pali umo uwishibe ukuti kwali nokuba i Mbila ukukonka ico? Cinshi, Lesa tatusekesha ifwe! Ena acebula ifwe ne cintucimo, kabili lintu Atucebula, nomba Ena nakwata i Mbila Yakwe.

193 Lolesheni ilintu Abalilepo ukwisa pe sonde, nokutendeka ubupyungishi Bwakwe, “O Kafundisha munono, ifwe tulefwaya Iwe kuno kulukuta lwesu. Ifwe . . . Isa kuno.” Kasesema munono. “Oh, ifwe tulefwaya Iwe kunolubali. Isa kuno.”

194 Lelo ubushiku bumo Aiminine nokutila, “Ine na Taata Wandu twaba Umo.”

195 “Oh, owe! Ena aleitunga Umwine eka ukuba Lesa.”

196 “Kano imwe mwalya u Mubili wa Mwana mwaume wa muntu no kunwa u Mulopa Wakwe, tamuli na Mweo muli imwe.”

197 “Ena ni konka wamulopa! Ifwe tatukwete icakucita naco.”

198 Balya abatumwa balifye palya pene; amakana ba Mu shile, lelo balya abatumwa balilashikwe ku Mweo. Alisosele ifyo. Bena tekuti ba Ci londolole; bali Ci cetekele. Bena baikefye na Co pantu, batile, “Takuli umuntu uwingacita iyi milimo.”

<sup>199</sup> Nangu fye nibashimapepo balishibe ico. Nikodima atile, “Ifwe twalishiba” (akabungwe ka Sanhedrini) “ukuti takuli muntu uwingacita iyi milimo kanofye ukufuma kuli Lesa.” Mwamona?

<sup>200</sup> Petro, pa Bushiku bwa Pentecosti, atile, “Yesu waku Nasareti, u Mwaume uwasuminishiwe na Lesa pakati kenu. Lesa ali Nankwe.”

<sup>201</sup> Lolesheni mu Malembo, ifintu a Malembo yatile ukucita. Yesu atile, “Fwayeni mu Malembo, muli Yena emo mu kwatila u Mweo wa Muyayaya. Yena eyabela Ine ubunte. Nga cakuti mwalimwishibe Mose, nga mwali Njishiba, pantu Mose alembele ukuti Ine ndi nokwisa, mumibele iyo Ndi nokwishilamo.” Ena aishile ngo Mwana wa muntu.

<sup>202</sup> Ena aleisa mu mashina yatatu, nga Lesa. Fitatu (nga Taata, Mwana, na Mupashi wa Mushilo), umowine Lesa, imibele itatu.

<sup>203</sup> Nomba lyena, nakabili, ukulungamikwa, ukusangululwa . . . ; Luther, Martin, na—na ba—naba Pentecosti; icintu cimo cine: imibele itatu, incende shitatu, inkulo shankuta shitatu.

<sup>204</sup> Icintu cimocine: amenshi, umulopa, no mupashi. Oh, ilyofye muletwalilila, ifintu fitatu ifilemubwesha mumubili. Ngafintu fileta imwe ukufuma mubufyashi bwa kumubili, cileiminako ubufyashi bwa kumupashi. Umwana afyalwa, icakubalilapo menshi, ukukonkapo mulopa, elyo nomba umweo. Enshila mwishilamo mu Bufumu bwakwa Lesa, cimo cine. Mwamona? E nshila i Chalichi cishilamo, inshila imoine. Cimocine. Nomba moneni pali ifi fintu fitatu, Lesa apanga u Wakwe. . . ukupanga umubili Wakwe.

<sup>205</sup> Nomba ifwe twasanga pano umu, ukuti imwe mwalikwata insambu mukusala kwenu. Imwe mulasala umukashana mulefwaya ukuupa; ena nokumisumina amisumina, cisuma.

<sup>206</sup> Nomba icintu nacimbi, imwe mwalikwata ukusala ngacakuti mulefwaya ukwikala nangu tamulefwaya ukwikala. Imwe saleni nomba pa Mweo ne mfwa. Kuti mwaba no mweo.

<sup>207</sup> Ulya mulumende alikwete kulya kusala. Ena alilundulwike muli fyonse ifyashala, umwaume kapepa, lelo ena alishibe ukuti ilyo cilya . . . Ena acisoselepo umwine, “Ine nasunga yonse ayamafunde ukutula ilyo Naali umwaice,” lelo ena alishibe takwete u Mweo wa Muyayaya. Mwamona? Kabili ena akwete ukusala uku Ci pokelela nangu uku Ci kana, kabili ena a Ci kene. Ico cali cilubo icabipisha ico atalile acita. Ifyashala nga tafyalingile. Tekuti cicite, tacinga, kano wasenda Kulya kusala.

<sup>208</sup> Nomba natumukonke pakusala kwakwe, nokumona kuntu kwa mutungulwile. Nomba, moneni uko ena asalile. Nomba, lolesheni, ena ali—ena ali umwaume wafyuma, ali shimakwebo, ena ali katungulula, kabili ali umuntu kapepa. Fyonse ifyo!

209 Ileelo ifwe tutila, “Mune, ena mwinemwine umwina Methodisti, nangu Baptisti, nangu umwina Pentecosti. Ena—ena e muntu umwine mwine, umwinemwine umusuma umulumendo. Cawama!” Tapali nangu cimo imwe mungalanda pali ena; uwacitemwiko, umusuma, uwampana, na ifintu fyonse. Tapali mibele ibi pali ena. Ena limbi talepeepa, ukunwa, nangu ukulaya ku fyakutamba nokucinda, na fyonse ifyo tunga fita ileelo, ngefyo tunga pima umwina Kristu. Lelo ifyo te Mweo wa Muyayaya! I fyo tefyo ifwe tulelandapo. Ena limbi ali uwabela kulukuta lwakwe, muntu afwile ali. Lelo, mwamona, kabili nikwi ca mutungulwile? Ukulumbuka ukukalamba. Natutile, nga cakuti ena ali kashimikila, ena kuti ali. . . akwete ulukuta ulwa wamapo. Ena limbi kuti ali cilolo wacalo nangu cilolo. Mwamona? Cena citungulula imwe kukulumbuka, kabili camutungulwile kufyuma nakukulumbuka.

210 Limbi kuti cacita icintu cimo cine ileelo, iwe walikwata italanta ilikalamba ilya kwimba. Ine na citontokanya pali ulya mulumendo akashita akapitapo uwacimba lulya lwimbo kuno; fintu ena apele ico kuli ciwa, kabili nomba acipokolwele ukubwasha. . . Kabili ifyo pali ubupusano pakati kakwe na Elvis Presley nabamo muli aba. Pat Boone, kabili ibumba nga balya, Ernie Ford, balya bantu, bakemba benebene; kabili ukubula a matalanta yabo, amatalanta ya pelwa na-Lesa, kabili ukuyabomfya ku putamo u—u mulimo wakwa ciwa. Ico cacine. Bamo bakemba abenebene ukushitisha amatalanta yabo ayapelwa na Lesa ku kulumbuka mwisonde, ukuba abantu bamo. Kuti mwaba shani ukucila pa “mubili” ukucila fintu mwingaba, ukuba umuntu umu, ukucila ukuba umwana wakwa Lesa?

211 Ine nshilesakamana nga cakuti imwe mwakwata umusumba onse, isonde lyonse, kabili imwe tamwapokelela ubutungulushi bwa Mweo wa Muyayaya ukupitila muli Mupashi wa Mushilo (Kristu), ifyo muli noku. . . Nimwe bani, nakuba? Imwe muli benakufwa, abafwa mumembu no bupulumushi! Bukapepa shani mwingafwaya ukuba; abacishinka shani mwingafwaya ukuba ku chalichi; kashimikila, nga cakuti imwe mulefwaya ukuba mucintamba; lelo mwakana, imwe mwafwa!

212 Ena ali uwalunduluka nganshi. Ali uwalunduluka nganshi apa muli ubu bumi. Cinecine. Ifwe tulemusanga pantu tulemona. . . Lyena tulesanga uyu muntu, ukuti ena aile. . . Tumukonke panono, kabili ifwe twamona ena asangile ukulunduluka ukukalamba. Kabili ifwe tumukonke mu Baibele. Ifwe twamona ukuti ena—ena. . . Ifwe twamusanga umwaume wafyuma. Ena akwete incende ishikalamba nganshi, ena aletebeta bakapingula na meya wa musumba, nangu fimbi-po. Ena ali pamulu wamutenge wakwe, kabili na kwata amatebeto ayakalamba; kabili nabengi baweta, na banakashi, abakashana, na fyonse ifyashala, aba musingulwike. Kabili

kuli na umupushi u uli pa mpongolo, u witwa Lazalo. Ena akusa utubufungawu ukufuma kuli ena. Ifwe twalishiba ilyashi. Ica konkelepo, ena atwalilile ukulunduluka, nga fintu inkuta ileelo shileba.

<sup>213</sup> Shimakwebo ukwikala palya, ukweba ine, “Munofye mu California, ukuti i chalichi cifwile ukweba akabungwe kababomfi ifya kucita.” Mwamona, cileisa ku chalichi nobuteko pamo nakabili. Cilifye pali imwe. Mwamona, imwe mulifye mulya mwine, kabili mulebula ululembo lwa ciswango ukwabula ukwishiba.

<sup>214</sup> Ngacakuti imwe mwalibala umushitapo imo pali ba tepu yandi, shiteni uyu, ilyo Ine nkaya—Ine nkaya ku mwesu, *I Nshila Ya Nsoka*; kabili mukamona apantu cifikile, mwamona uko ici cilepela. Ukuya kumwesu nombga nga mukusosa, ngacakuti Shikulu asuminisha. Cili ba ora nangu bane, eico Ine tekuti nci sunge pa musonkano umu ngoyu. Ine mfwile ukuya kulya kuntu ulukuta lwacula pamo naine inshita ntali, ukutekanya. Moneni. Lelo nombga kuti mwaumfwa kuli tepu inshita shimo mu ng’anda yenu.

<sup>215</sup> Moneni ici, nombga ifwe twasanga ukuti ena ali uwalunduluka nganshi. Nombga ifwe twamusanga panuma lintu ena ali uwalunduluka nganshi, mpaka atile, “Ine ninkwata ifingi sana!” Mwe, ena ailengele ukuba umuntu umwinemwine uwa ubu bushiku. Bushe tali ifyo? “Na matala yandi na yesula, yalelepuka. Kabili Ine ninkwata ifingi nganshi mpaka Ine natile, “We, mweo, tusha.”

<sup>216</sup> Lelo, ifyo ena acitile pa kubala, akene ubutungulushi bwakwa Yesu Kristu. I chalichi cakwe, amano yakwe, amasambililo yakwe, na fyonse, fya mutungulwile kukulunduluka. Bonse aba Yuda bali mutemenwe. Ena alepeela kuli bena, alebafwa, ena limbi acitile *ici, cilya*, nangu *icibiye*. Lelo, mwamona, ena akene u—u—u butungulushi bwakwa Yesu Kristu, u Mweo wa Muyayaya. Kabili ico . . . Baibele yatila, Ena atile, “We cipumbu, muno bushiku umweo obe ulefwai kwa.”

<sup>217</sup> Kabili nombga ifwe twamusanga (incende iya konkelepo) mumulilo; ukwinuna amenso yakwe nokumona ulya umupushi, untu ena atamfishe kunse mu musebo, ali muceni cakwa Abrahamu. We cilubo cabipisha! Ifyo ifintu inkuta shali—shali—shali—shali—shali bwino munshila shapitilemo, lelo shena nalyo tashakwete u Mweo wa Muyayaya.

<sup>218</sup> Cile njibukisha pa mbila Nashimikile kuno tapapitile sana inshita, *Icianshilo Ca Muntu Utontonkanya*. Imwe limbi mwaliikwata. Naley, ukwenda mumpanga, Nalunga utupale (pakati ka mainsa no mupepo) kabili Ndoleshe panshi. Kabili, nakuba, Ine tekuti numbule akampani ka fwaka. Imwe namukeshiba. Kabili palya pali a—akabokoshi ka fwaka kalele palya. Kabili Napitile lubali lwa kako, ukufwaya u . . .

mumpanga. Kabili Namwene kalya akabokoshi kalele palya, elyo Nlolesha ku numa nakabili, katile, “Icisanshilo camuntu utontonkanya, ukusonda kwamuntu uupeepa.” Natwalililefye ukwenda mumpanga.

219 Kabili Mupashi wa Mushilo atile, “Pilibuka nokutola.”

220 Ine naineme panshi nokukatola, “Icisanshilo camuntu utontonkanya, ukusonda kwamuntu uupeepa.” Ine natontonkenye uuti “Akampani kacina America kuno, ukushitisha imfwa mu bumfisolo, kubekashi bamu America.” I cisanshilo camuntu utontonkanya? Imwe . . . Kabili ukusonda kwa muntu uupeepa?

221 Ine nali ku World Fair, na Yul Bryan . . . Brynner, nabena kulya, ilyo ena alelanga kulya kwesha konse. Kabili fintu abikile umushanga umo nokukula u . . . ukucilinganya pa libwe kabili ukubula i . . . Akumwine nikotini nokuibika panuma yakwa koswe, koswe wabuta, kabili munshiku cine lubali ena atebelwe nepwaonda alefilwa ukwenda. Kabili bena batile, “Namwishiba, bena batila ‘icisanshilo,’” batile, “ubu bufi, ku shitisha imishanga iingi.”

222 Cisenda nikotini uwingi ukwikusha cilya ciwa. Ico cacine. Kabili ilyo mwapeepa umushanga uuli ne cisanshilo, cifwaikwa nalimo imishanga ine ukukwana umo. Ubu bufi ubwa kumushitisha imishanga iingi. Imwe teti mukwate icunshi ukwabula imwe ukukwata tar; kabili tar, imupela ipwalonda. Mwamona fintu cili? Kabili nempofu abena America, ukulafwaya akalulu ukufuma mucisote ukuntu kumo, bena basendwa kuli ico. Imwe tekuti mucikwate; nimfwa, Ine nshilesakamana ninshilanshi imwe muleya, ni mfwa inshila yonse imwe mungaya. “Icisanshilo ca muntu utontonkanya,” umuntu uutontonkanya tekuti apeepe nakalya, ico cacine, nga cakuti abamo netontonkanyo.

223 Ukuba, Ine natontonkenye ukuti ico kuti calolafye ku nkuta. Mwamona? Nde tontonkanya, bushe Lesa alikwata icisanshilo? Ee.

224 Kabili i chalichi conse calikwata icisanshilo. Ico cacine. Bena balasansa abo abengilamo, kabili balasuminisha imfwa ishingi nasho umo.

225 Bushe imwe kuti mwapisha shani icilonganino mu Cisanshilo cakwa Lesa? Ni munshilanshi mwinga cicitila? Bushe imwe kuti mwapisha shani umwanakashi uwaputulwa umushishi muli ico Cisanshilo? Njebeniko. Bushe kuti imwe mwapisha shani umwanakashi uufwala amatoloshi Mulya, ilyo “Camuselu kuli ena ukufwala icakufwala ica mwaume”? Mwamona, Icisanshilo cakwa Lesa kuti ca mwikata kunse kulya, tekuti Ci muleke ukwingila. (Lelo ama chalichi yalikwata ifisanshilo fya yako.) Eico Ine ndetila ukuti kwaliba Icisanshilo ca muntu uutontonkanya, ico Cebo cakwa Lesa, kabili Ci

linga ukusonda kwa muntu wa mushilo. Ico cacine, umuntu wa mushilo; te muntu wamu chalichi, lelo kusonda kwa muntu wamushilo. Pantu Cena calipwililika, bumushilo, ici shakoweshiwa i Cebo cakwa Lesa! Ico e Cisanshilo camuntu uutontonkanya. Kabili membala wa chalichi, Ine ndekupanda amano ukubomfya Ico.

226 Pantu cena ciletamo isonde, kabili umufuba umo uwaciko nimfwa. Umufuba umo ucita icitutumushi, umufuba umo uunono ucita icitutumushi kumufuba onse. “Uyo onse uukafumyapo i Cebo cimo pali i Ci, nangu ukulundapo icebo cimo kuli i Ci, iciputulwa cakwe cikafumishiwa ukufuma mwi Buuku lya Mweo.”

227 Kwibala lya Edeni, cinshi calengele imfwa, namalanda yonse aya, ukucenwa kwa mitima konse, umwana munono onse uulefwa, ukukoloma konse ukwa pamukoshi, ambulanshi onse u ulelila, icipatala conse, inshinshi yonse? Cali pamulandu wakwa Efa utkuwishika i Cebo *cimo* (te Conse), cena Ca alwilwefye. Nomba, Lesa atile, “Umuntu,” kulya, “ena ali no kusunga i Cebo *conse* ica kwa Lesa.” Nomba, ico eakutendeka mu Baibe.

228 Pakati mu Baibe, Yesu aisa, kabili Atile, “Umuntu ta kekalilile ku mukate epela, kano ku Cebo *conse* i cifuma mukanza kakwa Lesa.” Te ciputulwafye ca Ifyo, cila cimo.

229 Kumpela ya Baibe, Ukusokolola 22, Yesu alepela ubunte bwakwe Umwine. Ukusokolola kwa—ukwa Baibe ni Yesu Kristu. Kabili Ena atile, “Uli onse uuka fumyapo *cimo* i Cebo umu, nangu ukulunda ishiwi *limo* kuli Cena, ulubali lwakwe lukafumishiwa mwi Buuku lya Mweo.”

230 Nomba, imwe mwapita *mulya* mu Cisanshilo ca muntu uutontonkanya, muli nokukwata ukusonda kwa muntu wamushilo ilintu mwafuma Mulya. Cacine. Imwe mukakwata ukusonda ukwa shila.

231 Nkashi, iwe we ufwala ifyo ifyakufwala, tontonkanyapo. Iwe ule...Iwe watila, “Ine ndi uwalungama kumulume wandi.” “Ine ndi uwalungama kuli cibusamwaume wandi.” “Ine ndi mukashana walungama.” Lelo nga ulya umubembu uwakuloleshe? Lintu akasuka pa buce, nani acicitile? Mwamona, iwe ukaba no mulandu. Moneni calembwa mu Cebo, eico ni...Mwamona? Oh, beni u mwanakashi u utontonkanya. Beni abatontonkanya... .

232 Imwe limbi kutimwatila, “Kuti caba...” Cisuma, nga ngacacitika ukuba muli iyo nshila? Ena atile ifyo, kabili i Cebo cimo teti cifilwe. Mwamona?

233 Umwaume umukalamba anjebele tapapitile nshita sana, anjitile mumuputule wakwe, atile, “Ine nalatambalika indupi pali iwe, Munyina Branham. Iwe uleona ubupungishi bobo, ukushimikila ifintu fya musango uyo.”



234 Natile, “Ubupyungishi ubuli bonse buntu i Cebo cakwa Lesa cingonaula, bufwile ukonaulwa.” Mwamona?

235 Ena atile, “Ine natalambalika indupi pali iwe.” Atile, “Iwe watuminwe ukupepela abalwele.”

236 Ine natile, “Bushe ulecetekela ifyo fintu, munyina?”

Ena atile, “Iyo. Lelo te mulimo wesu.”

Ine natile, “Mulimo wabani, nomba?” Mwamona?

“Ukuba” ena atile, “uyo mulimo wakwa kakumba.”

237 Ine natile, “Lolesha kulukuta.” Uh-huh. Ico cacine. Mwamona?

238 Cila mwaka Ine ndapitamo uku shimikila ifi fintu, kabili Ine ndatontontokanya, “Icinecine bene bala Cumfwa,” umwaka wakonkapo Na bwela, babipilako ukucila. Mwamona? Ico cacine. Ci lelanga ukuti “Bengi aba itwa lelo banono abasalwa.”

239 Ubutungulushi ni Mupashi wa Mushilo, mune. Ulakutungulula nokukulanga mu Cishinka conse, lintu Ena Mupashi wa Mushilo akesa. Nomba tontontokanyeni pali ico. Buleni i Cisanshilo ca muntu utontontokanya, ico ni Baibele. Te sambilisho lyenu, te lukuta lwenu; imwe mukaluba. Buleni i Cisanshilo camuntu uutontontokanya.

240 Apo epo ulya mulumendo ta tontontokenye. ena asendele icisanshilo ca chalichi. Ena alilumbwike, umuntu umukalamba, “Lelo mu mulilo ena ainwine amenso yakwe, ukuba mukulunguluka.”

241 Nomba imwe mwasenda i Cisanshilo ca muntu uutontontokanya, Yesu Kristu, i Cebo, kabili imwe mukakabila ukusonda kwa muntu uwamushilo, pantu Cena cikekusha ico. Nga cakuti imwe namukwata Mupashi wa Mushilo muli imwe, Ici cilawikusha.

242 Nga cakuti Mupashi wa Mushilo talimo, imwe mwatila, “Oh, cisuma, Ine nshiletontontokanya ukuti ico cilepilibula ubupusano.” Loleshafye fintu iwe wacita apo pene! Cimo cine cintu Efa acitile. Imwe mwabwelela pa ncende imoine.

243 Nomba natutwalilileko panono. Nomba natu bule. . . tushe ulya mwaume palya, u usha bomfeshe i Cisanshilo camuntu uutontontokanya. Ena akene ukupokelela ubutungulushi bwakwa Yesu Kristu, ku Mweo wa Muyayaya.

244 Nomba naubule umbi uwafyuma, umunono shimakwebo, katungulula ne nsambu shimo shine shintu uyu mwaume akwete. Kabili uku Ci pokelela, ena apokelele ubutungulushi bwakwa Kristu. Nomba, bali babili mu Baibele bantu twala landapo. Ulya umo ifwe tulemona uwa Cikene, nomba natubule uyu umwaume: umbi uwafyuma, umunono shimakwebo, kabili katungulula. Kabili ena apokelele u Butungulushi.

245 A Malembo yalatweba palwa uyu muntu, nga cakuti mulefwaya ukuyalemba, mu Bahebere 11:23 ukufika 29.

. . . Mose, ku cicetekelo, *akene ukwitwa umwana wa mwanamwanakashi wakwa Farao;*

*Asalile ukucitwo bubi mukupakaswa kwakwa Lesa. . .*

*Ukulingo kuti ukusebana pamo na Kristu e bucindami ubwakulo kucisha fyonse fyuma fya mu Egypto: . . .*

246 Mwamona, ena apokelele u Mweo wa Muyayaya. Mose alingile u—u—u kusebana pamo na Kristu ebucindami bwakula ukucisha fyuma fyonse ifyo isonde lyakwete. Mose alingile Ico ukuba ica cindamisha. Nomba, uyu mwaume wafyuma tacitile.

247 Kabili Mose ali uwafyuma, katungulula munono, ukuba Farao. Ena ali mwana mwaume wakwa Farao, kabili ali impyani ku cipuna cabufumu. Kabili ena aloleshe kunse ku fishinga citwa, ibumba lya bakakanda-wamatipa, ibumba lya basha. Lelo ukupitila mu cicetekelo ena amwene ubulayo bwakwa Lesa, ukupitila mu Cebo, “Ukutula abantu bakwe bali nokulebela mu calo cimbi cimbi pa myaka imyanda ine, lelo bali no kufumishiwamo ku kuboko ukwa kosa.” Kabili ena alingile Ico (alleluya) ukucindama ukwakulo kucila ifyuma fyonse ifya mu Egypto, pantu ena akene Egypto ukwabula ukwishiba kuntu ena aleya. Ena atungulwilwe na Kristu. Ena a sulile!

248 Kabili ena ali noluukasa lwakwe pa cipuna ca bufumu, kabili ena nga ali—ali Farao wamu Egypto uwakukonkapo. Lelo ena alingile ukusebana pamo na Kristu. Ukusebana! Ukwitwa ulya “uwaibela,” ukwitwa ulya “uwafulungana,” ukuba pamo nabakakanda wa matipa na bafulungana; pantu ena a mwene ukuti insa, intu a Malembo yalaile ukufikilisha, yali palya pene.

249 Kabili O mwechalichi, shibukeni! Bushe tekuti imwe mumone icintu cimocine muno bushiku? Ora iya lailwe ili pali ifwe. Cindikenipo ukusebana kwakwa Yesu Kristu ubucindami ubwakulo kucila isenge lyonse ilya cintu icili conse; nga cakutula cilesenda taata na mayo, i chalichi, conse icashala. Konka ubutungulushi bwa Mupashi!

250 Natukonke uyu Kristu panono, uyu Mose, pakashita akanono, uwacitile ico; natumone ubumi bwakwe. Icakubalilapo, lintu ena apokelele ukusenda ukusebana pamo na Kristu nokusula amasambililo yakwe, ukusula yonse amano yakwe. . . Ena asamblilishiwe mumano yonse aya bena Egypto. Kabili na konse ukulumbuka kwakwe, icipuna cakwe icabufumu, inkonto yakwe, ubufumu bwakwe, icilongwe cakwe, ifintu fyonse ena akwete, alicikene!

251 Kabili uyu muntu umbi alecikabila, kabili akene Kristu; noyu mwaume akene ico, nokupokelela Kristu. Kabili mukwangufyanya cinshi cacitike? Ena aipatwile umwine.

252 Aleluya! Ishiwi lipilibula “Lumbanyeni Lesa wesu!” Cibi nganshi ukuti ifwe tulelaba ici.

253 Ena akene ifipuna fya bufumu no kulumbuka. Ena nga akwete utukashana pa mi. . . abakashi i myanda, kabili ena nga akwete inkonto pe samba lya. . . Mulandu nshi, Egypto ukutungulule isonde. Isonde lyalifye pa makasa yakwe, kabili ena ali impyani kuli fyonsefye. Lelo pakulolesha mu Malembo nokumona ubushiku ena aleikalilamo, kabili aishibe ukuti Icintu cimo muli ena, lulya ulwalingilwe libela u Lubuto lwakwa Lesa lwatampile ukubomba!

254 Nshilesakamana ifyo ukulumbuka kwenu kwingaba, nangu ifyo mwingaba, imwe kuti mwaba abakalamba, kuti mwaba kakumba, mwaba *ici*, *cilya*, nangu i *cibiye*, lelo ngacakuti cilya Cebo ca Mweo wa Muyayaya ukupitila mu Cebo cakwa Lesa calilashikilwa libela muli imwe, kabili mwamona icintu icili pano, cena cilatampa ukubomba, ukufumina kunse nga filya. [Munyina Branham alisha iminwe imiku iingi—Kale.] Ukutampa ukufuma! Ukutampa uku Cumfwa!

255 Kabili ena akene ukwitwa umwana mwaume wa mwana mwanakashi wakwa Farao, pantu ena alingile ukusebana pamo na Kristu ubucindani ubwakula ukucila ifyuma fyonse ifya mu Egypto nangu isonde. Ena alingile Ico. Moneni fintu ena acitile, ena ali Ci konkele. Ukwima, bwangubwangu ena ali tamfiwe ukufuma ku bantu bakwe, abantu limo abamutemenwe.

256 Cena kuti camulenga ukulufya fyonse fintu mwakwata. Cena kuti camulenga ukulufya ing’anda, Cena kuti camulenga ukulufya buci busa bwenu, Cena kuti camulenga ukulufya amalila yenu ayakubila-no-kupikula, Cena kuti camulenga ukulufya icifulo cenu kuli ba Kiwani. Cena kuti cacita. Ine nshishibe ifintu Cena cingalenga imwe ukulufya, lelo Cena cikalenga ukulufya ifintu fyonse ifyesonde nangu ifikumine kwisonde. Imwe muli nokuipatula ukufuma kufintu fyonse ifye sonde. Imwe muli nokucita.

257 Mose abikile fyonse lubali nokuya mu ciswebebe ne nkonto muminwe yakwe. Amen! Inshiku ne nshiku shapitile. Kabili ukutontonkanya ngacakuti ena atontonkenye ukuti alipangile icilubo? Iyo.

258 Inshita ishingi abantu balatampako, kabili batila, “Oh, Ine ndi nokucita. Ubukata kuli Lesa, Ine na Ci mona!” Leken! umuntu umo amuseke noku mipumya, “Nalimo Ine nalilubile.”

259 Ena atile, “Abo abashinga shipikisha ukulimunwa bana abamucani kabili ttebana bakwa Lesa.” Mwamona, bena babomfiwafye kumyumfwile. Mwamona, ulubuto ulu Ine nasoselepo inshita yapitapo, ulya mweo tawaliko ica kubalilapo. Ena wasubilwe no Mupashi, kabili ena acitile fyonse ifya lekanalekana. Oh, imwe, bena. . . Lintu umupashi ena wasubwa,

imwe kuti mwa...Ena utuntulu, uwine wine Mupashi wa Mushilo, kabili imwe ninshi mucilifye iciwa.

<sup>260</sup> “Oh,” imwe mwatila, “Munyina Branham!”

<sup>261</sup> Ba kasesema ba bufi! Baibele itila, “Mu nshiku shakulekesho kukaba ba kasesema babufi.” Yesu atile, “Kukema ba kristu babufi.” Te “ba Yesu babufi,” nomba, tapali nangu umu uwiminina ndi pali ico; lelo “ba kristu ba bufi.” *Kristu* cipilibula “abo abasubwa.” Abasubwa ababufi; bena balisubwa, lelo bena babufi pesamba lyaciko, kabili bacita ifikalamba ifishibilo nefisungusho, ukulanda mundimi, ukushana mu Mupashi, ukushimikila Ilandwe lisuma.

<sup>262</sup> Yuda Eskarioti acitile co! Simioni...nangu iyo, mu Njeleleko...Kayafa aseseme! Balaamu, bumbi munda! Cine, acitile fishibilo fyonse, ifintu fyonse, imilimo yabuka pepa yonse.

<sup>263</sup> Lelo, imwe moneni, imwe bikeni uluseke lwa kwa kasokopyo no lubuto lwa ng’ano muluputa lumo lwine no kwitila pali shena amenshi no kushisuba, shonse shibili shika sangalala. Shonse shibili shikakulila kulico, amenshi yamo yene. “Akasuba kabalikila pabalungami nabashili balungami, kabili imfula ilokela paba lungami nabashili balungami, lelo kufisabo eko mukabeshibila.” Kuti imwe mwafilwa shani ukulungatana ne Cebo? Amen. Mwamona fintu Ine ndepilibula? “Amenshi yaponena pabalungami nabashili balungami,” abasubwa.

<sup>264</sup> Yesu atile, “Bena bakesa kuli Ine muli ubo bushiku, ukutila, ‘Shikulu! Shikulu! Bushe Ine nshatamfishe ifiwa? Bushe Ine nshaseseme? Bushe Ine nshacitile ifintu ifikalamba mwi Shina Lyenu?’” Ena akatila, “Imwe ba ncita fibi, fumeni kuli Ine, Ine nshamwishiba nokumwishiba. Ingileni mu mulilo wa muyayaya uwa pekanishiwe ciwa nabangeli bakwe.” Mwamona? We Cebo we! Ubufi. Ukushinshimuna apafye, ukulwisha apafye. Cinshi imwe mucitila ifyo ilyo tamufwile kucita ico? Cinshi musendela ifyakupyanishapo ilyo i Myuulu yaisula ifituntulu? Mwamona? Imwe tamufwile ukucita ifyo.

<sup>265</sup> Nomba ifwe twasanga Mose ukusubwa, takwali nelyo cimo ica kumubwesha kunuma. Abakwefye ba munyina bali mukene; ico ta ca mwimike. Ena aile mumatololo. Kabili ubushiku bumo kunse kulya, ena akumenye Lesa icinso ne cinsu, ne Ntumba ya Mulilo na isama mucimpusa. Ukutila, “Mose, fula indyato shobe, umushili obe wimininepo wa Mushilo. Pantu Ine ni ng’umfwa ukulila kwa bantu Bandi, kabili Ine ning’umfwa palwa kuteta kwabo, kabili Ine ninjibukisha ubulayo Bwandi ubwa Cebo. Kabili Ine ndeika, Ine nalakutuma iwe kulya muku bafumyamo.” Cinecine. Ena akumene na Lesa icinso ne cinsu, ena asosele Nankwe. Ena alashikwe na Lesa.

<sup>266</sup> Lesa abwelele nakabili, ilya imoine i Ntumba ya Mulilo, kabili yashininkishe ulya kasesema uwaiminine palya pene pa lupili; ukushininkisha ukuti ali ico, ilyo Ena abulile amaboko

yakwe nokucita fyonse ifisungusho fya misango na misango ne fintu. Oh, bena bakwete ba kapashanya. Oh, cine. Kwali Yambre na Yanesi, baiminine palya pene, bacitile icintu cimo cine cintu bacitile. Lelo uwali uwakubalilapo ali ninani? Mwamona? Nikwisa catampile? Bushe cafumine mu Cebo? Bushe yali ni ora?

<sup>267</sup> Kabili bushe imwe namwishiba cilya icintu cimo cine calilailwe nakabili munshiku shakulekelesha? “Nga fintu Yambre na Yanesi bakenye Mose, eflyo nababaume, balubana amano palwa Cishinka.” Mwamona, munshiku shakulekelesha. Kabili ukucita icintu cimo cine, (ukupashanya ifintu fyonse), ifyo fine fye muno mwinefye mumukonko, “Inkumba kumatipa yaiko, nembwa ku malushi yaiko.”

<sup>268</sup> Imwe ba Pentecosti abafumine muli tulya tubungwe imyaka iyapitapo no kutususha, ba shinwe nabanyinenwe; kabili imwe mwaliplibuka mwabwela no kucita icintu cimo cine cintu bena bacitile, kabili nomba cilifye amatipa yamo yena namalushi. Mwamona? Nga cakuti cena calengele i Chalichi uku ciluka pakutampa mu nkulo ya Pentecosti, cikalenga ukuti Ci ka ciluke na kabili ileelo. Mwamona? Cifwile ukuba, cibe, cipaapa, cifwile ukwisa. Impupunga tashifwile ukuba shekafye epela; icipaapa cifwile ukwisa, mwamona, icisenda. Nomba ifwe tuleikala munshiku sha *kulekelesha*, lolesheni ifintu ifyalailwe kuli ora.

<sup>269</sup> Moneni uyu Mose ukushininkishiwa. Ishibeni! Lintu ena afumine kulya, bamo mubakwe aba bwananyina ba mwimine, balefwaya ukupanga akabungwe. Bena batile, “Iwe uleicita kwati niwe weka umuntu wamushilo pakati kesu.” “Ulukuta lonse lwamushilo,” eflyatile Kora, Datani. “Na tu sale abaume no ku cita icintu cimo.”

<sup>270</sup> Mose, ena... Ine namumfwilile ubulanda. Ena akonkele atile, “Shikulu...” Awile panshi kucipailo nokutila, “Shikulu!”

<sup>271</sup> Lesa atile, “Ipatule kuli bena. Ca cilamo kuli Ine.” Aiswilefye umushili nokubamina. Capwa. Mwamona, ena alishibe ukulashikwa kwakwe.

<sup>272</sup> Lesa tabomba notubungwe, Ena tabomba namabumba. Ena abomba no muntu palwakwe. Ico nacilungama. Lyonse. Te mu mabumba; cila muntu, umuntu umo. Mu nshiku shakulekelesha, Ena atile, “Ine ninjiminina pa mwinshi nshu konkonsha, kabili ngacakuti umuntu uuli onse...” (te “ibumba ilili lyonse”) “. . .umuntu uuli onse ali nokuumfwa i Shiwi Lyandi, Ine ndino... kabili a Ng’umfwa, Ine nkesa muli ena nokulya.” Mwamona, “Ngacakuti umuntu uuli onse kuti aumfwa.”

<sup>273</sup> Ni munshilanshi inga—ni munshilanshi ici ica kulandilamo cingalenga ishiwi lyandi ukumfwika kulya kanofye cena capangilwe ifyo? Ine kuti napundila kucipampa cilya, namaka yandi yonse, kabili tekuti cicite nangu cimo. Pantu ici calashikilwe, no kupangwa, ukulengwa, icakusoselamo. Kabili ngacakuti i Cebo cakwa Lesa cili muli imwe ukutula ku

kulashikilwa libela ukwa kwa Lesa, muli imwe, “Impaanga Shandi shilomfwa i Shiwi Lyandi. Shena shalishiba ora Yandi. Umbi umbi tekuti shimukonke.” Mwamona? Cifwile ukuba ifyo pakubala. “Bonse abo Taata ampela Ine, bena bali no kwisa.” Cila umo muli bena, mwamona.

<sup>274</sup> Nomba ena atwalilila, kumpela ya mweo apa. Ena apitilefye. . . Moneni ilintu ena afikile kumpela ya musebo.

<sup>275</sup> Kabili ifwe twalaisala nomba pantu inshita yapwa, ba miniti amakumi yabili na yasano ukufika teni. Moneni. Nomba, ku mwesu eko icili. Nalimo tuu nangu fili koloko tulatampa ukusosa, “Ukutila, inshita yaya ilepwa panono.” Mwamona? Mwamona? Lelo nomba, Ine nalishimikila imiku iingi ubushiku, ubushiku bonse.

<sup>276</sup> Paulo ashimikile ililine Ilandwe lisuma mu bushiku bwakwe, kabili umulumendo aponene ukufuma pa ci—ci bumba nokufwa. Kabili Paulo, nokusubwa kulya kumo kwine, nalimo line Ilandwe lisuma, atambalike umubili wakwe pali ena, ena ali nomweo na kabili. Bena bali abafwaisha. Ichalichi cakwe ifyo capangwa. Icintu cimo cine calecitika. Moneni icacitike apa.

<sup>277</sup> Mose, ilintu aishile. . .

<sup>278</sup> Uyu umwaume uwafyuma, ilintu aishile, nangu, katungulula munono ifwe twacilandapo, bu kapepa bonse, kabili uwamu chalichi na fyonse, umusuma, uwasambilila, shimakwebo musuma, ne fintu fyonse, lintu ena afikile ku mpela ya musebo, ena atampile ukupunda, “Tapali nelyo pamo apa kunyanta!” Bushe ubutungulushi bwakwe buli kwi? Ena a tungulwilwe ne chalichi cakwe, icili icafwa. Ena atungulwilwe ne sonde ilyafwa, kabili takwali nelyo cimo ica kunyantapo kano cintu isonde lyapekenye: umulilo.

<sup>279</sup> Lelo uyu Mose aisa, umubomfi wa cishinka uwalingile ukusebana pamo na Kristu ukucindama ukwapulamo ukucila ifyuma fyonse ifya mu Egypto. Ena aishile kumpela ya musebo, umwaume umukote, uwamyaka umwanda na makumi yabili ukukula. Aendele ukunina ulupili, kabili ena alishibe ukuti imfwa yali pa ntanshi yakwe, kabili aloleshe kulya mu calo ca bulayo. Kabili aloleshe; palya kulubali lwakwe, pali Intungulushi yakwe, i Cilibwe. Ena aninine pa Cilibwe, naba Malaika bakwa Lesa bamusendele ukuya mu Bukata—u Bukata bwa kwa Lesa, mu ceni cakwa Lesa. Cinshi? Imyaka imyanda cine konse konse iyapitilepo, ena acili aletungululwa ne Ntungulushi yakwe.

<sup>280</sup> Ifwe twa musanga kulya pa Lupili lwa Kwaluka, naiminina palya na Eliya, balelanda kuli Yesu lintu Ena talati aye ku lupanda, imyaka imyanda cine konse konse panuma yakufwa. U—u Umo untu ena alingile, ukusebana kwa bupyungishi bwakwe, ukucindama ukwapulamo ukucila ukulumbuka konse ukwe sonde ne ndalama shonse ishe sonde, Intungulushi

yakwe icili yalemutungulula. Oh, owe! Ena alitungulwilwe! Intungulushi Yakwe, Ena atungulwile ukupita mumfwa, mu finshingwa fya mfwa. Ena atungulwilwe ku nshinshi. Imyaka imyanda iya konkelepo, palya ena naiminina nakabili pantu, mu bwaice bwakwe, ena asalile ubutungulushi bwa Mupashi wa Mushilo. Ishina lyakwe likaba ilya cindama lintu takuli nomba Egypto nangu ifyuma. Ilyo ba piramidi bakaba lukungu, kabili ilintu Egypto takabe nakabili Egypto, Mose akaba uushifwa pakati ka bantu pantu ena apokelele ubutungulushi bwakwa Kristu mucifulo ca kuya inshila ichalichi cakwe ca ile.

<sup>281</sup> Kuli nabambi abacitile icintu cimocine. Lolesheni kuli Enoki. Ena aendele na Lesa pa myaka imyanda isano, kabili ena akwete ubunte ukuti “Ena asekeshe Lesa.” Lesa acisuminishe, kabili atile, “Ta cilekabilwa iwe ukufwa, isa fye kuno ku Mweni muno cungulo.” Kabili ena aninine.

<sup>282</sup> Kabili Eliya. Panuma ya kwebaula abanakashi baputula umushishi ne fintu fyonse, nga fintu acitile mu bushiku bwakwe, ba Yesebeli nelangi pali bena, pa numa yaku tendwa nefyo, no—nokucita fyonse ifyo ena ali nokucita, kabili ba shimapepo bonse ukulamupumya, ne fya shala, ena aendele ukuya ku mumana ubushiku bumo. Kabili kwishilya fye kwa mumana kwali bakabalwe aba kakilwe ku cimpusa kulya lubali, iceleta lya mulilo nabakabalwe bamulilo. Ena aninine apopene, no kuposa umwingila wakwe kuli kasesema wakonkelepo ukumukonka, nokunina mu Muulu. Ena apokelele u butungulushi bwa Mweo wa Muyayaya, pantu ali ni Kristu uwali muli Eliya. Oh! Ee, mukwai!

<sup>283</sup> Bushe cali cinshi? “U Nkonke!” Nomba imwe mufwile ukusala intungulushi yenu. Imwe mufwile ukucisala, bacibusu. Lolesheni mu cilola cakwa Lesa, Baibele, nokumona pantu muli buno bushiku.

<sup>284</sup> Akalyashi kamo. Akaice, inshita imo, kaleikala kunse mumushi. Kena takabalile akamonapo icilola, kabili kena kaishile mumusumba kukumona ba munyina ba banyina. Kabili balikwete ing’anda... kabili ing’anda shakale shalekwata icilola paciibi; Ine nshishibe ngacakuti imwe muleibukisha ico nangu iyo. Lelo aka akalumendo, kena takabalile akamonapo icilola. Eico kena kaleangala mu ng’anda, kabili kaloleshe mu... “Huh?” Kena kaloleshe kuli kalya kalumendo. Kabili kaimya ukuboko, na akalumendo kaimya ukuboko. Kabili katinta ku kutwi kwakako, na kalumendo nako katinta ukutwi kwakako. Kabili ukutwalilila ifyo fine. Kena katwililile ukwenda, ukupalama, kabili kapilibwike no kutila, “Mayo! Ulya nine!” Ulya nine.

<sup>285</sup> Bushe *imwe* mumoneka nga nani? Bushe ni nani *imwe* mulekonka? Bushe finshi ifwe twacita? Imwe mufwile ukusala *intungulushi* yenu. Saleni ileelo. Imwe saleni u Mweo nangu

imfwa. Ukusala kwenu kukalanga icifulo cenu ica Muyayaya, ico imwe mwasala. Ibukisheni, Yesu atile, “U Nkonke.” Kabili na mwitwa muno bushiku ukucita ifyo. Kabili uku Mukonka ku Mweo wa Muyayaya mufwile mwaisa ukulingana no kuteyanya Kwakwe, ico cacine, i Cebo. Te pe sambilisho, te pa matontonkanyo ya cintu bwingi, te pafyo u uli onse atontonkanya pali Ici, lelo nipa cintu Lesa asosa pali Ico.

<sup>286</sup> Imwe mwatila, “Ukuba, Munyina Branham, Ine nalishiba umwanakashi umusumafye nga fintu engaba, ena alacita *ifi*. Ine nalishiba umwaume uwapitile muli *ifi*.”

<sup>287</sup> Ine teti ncafwe pa fintu bena bacita. I Cebo ca kwa Lesa, Ena atile, “Lekeni icebo conse ica muntu cibe icabufi, i Candi cibe ica Cishinka.” Imwe mufwile mwaisa ukulingana no kuteyanya Kwakwe, ukwisa pa kufwaya Kwakwe, i Cebo. Imwe tekuti mwise ukupitila mwisambilisho. Imwe tekuti mwise ukupitila mu cilonganino. Imwe tekuti mu Ci tobenkanye ngefyo. Kuli fye icintu cimo imwe mwingacita: uku Ci pokelela pa buteyanyo Bwakwe, ukuti imwe muli abaipela ukufwa kuli imwe mwebene na kuli yonse amatontokanyo yenu, noku Mukonka. “Fumyepo fyonse ifintu fye sonde, nokukonka Ine.”

<sup>288</sup> Ine ninjishiba iyo intu yakosa, i Mbila yakucena, munyina. Lelo Ine nshaishile kuno no kusala i—i mbila kubantu ukweshafye ukubalenga ukwimba, ukupunda, ukuwelesha. Ine nalisangwa mu misonkano yabasenshi uko bena bacita icintu cimo cine. Ine nsakamene pa mweo wenu. Ine ndi mubomfi wakwa Lesa uukafwaikwa ukwasuka kuli Lesa ubushiki bumu, kabili ubupungishi ubo Shikulu apela kuli ine bwali ishininkisha ubwine imiku amakana na makana ku cinso cenu.

<sup>289</sup> Ibukisheni, Yesu atile, “U Nkonke. U Nkonke. Lekeni ku fintu imwe mwakwata, kabili u Nkonke.” Kabili iyo enshilafye iyaku kwatilamo u Mweo wa Muyayaya. Ubo e kwasuko fye Ena apele kuli uyu mwaume, bwali fye ebwasuko epela Ena apele kuli uyu shimakwebo, ebwasuko epela Ena apela uuli onse. Ukusala Kwakwe, Ena alapanga ukusala Kwakwe, kwena kwalipwililika inshita yonse. Kabili ifwe tufwile uku *Mu* konka, e nshila epela iyakukwata u Mweo wa Muyayaya. Eico ubutungulushi bwa kwa Lesa ku: konka i Cebo ica shininkishiwa ica ora ukupitila muli Mupashi wa Mushilo.

Natukontamike imitwe yesu.

<sup>290</sup> Ine nalamwipusha ilipusho, kabili Ine ndefwaya imwe mube abacinshinka nganshi. Ine ndefwaya nkashi uku ndishishako ici, *Ine Nde Umfwa Umupusushi Wandi Aleita*. Ine ninjishiba ukuti bwite bwa kucintamba ubwakale. Kabili munyina, nkashi, nga fintu ifwe tulemona, lolesheni fye ifilecitika ileelo. Nomba ne finso fyenu ifyakontama, tontonkanyepo pali miniti, lolesheni ifintu filecitika.



<sup>291</sup> Bushe imwe mwalibelengele ipepala lyamulungu wapwile ifyo ulya mwaume mu England asosele? Ukuti “Ukutanikwa kwa kwa Yesu Kristu kwali kwabufifye, cali cipangano pakati ka kwa Pilato na Ena.”

<sup>292</sup> Bushe mwalimona ifyo uyu umwina America uwa masambililo yamipepele neficetekelo asosele? Ena atile ati “Yesu ba mulalike ukubomfya mandragora.” Abengi muli imwe abasambilila ifya mipepele nemicetekele mwalishiba, kunuma kulya mu Kutendeka apo ca landa pali mandragora. Cena kuti camulalika kwati fye imwe na mufwa, umutima wenu taumfwika nokutunta pa nshiku shibili nangu shitatu. “Kabili ilyo bena ba Mupele umwangashi uwakantuka na muri,” bena batile, “cilya cali ni mandragora. Kabili ba Mubikile mulya mu nshinshi, kabili Ena asendeme mulya pa nshiku shitatu. Kabili, nakuba, lintu bena baile kulya, basangile Aleenda enda.” Bushe imwe kuti mwaelenganya ico? Bakasambilila bafya mipepele ne micetekele, ba seminali, bakaitunga-ukucetekela. Nomba ni munshilanshi mwi sonde. . . Icakubililapo, Baibele yatila Ena alicikene, ilyo bena babikile umwangashi wakantuka na muri mukanwa Kakwe.

<sup>293</sup> Kabili ne cintu cimbi, ngacakuti cali nifyo, nomba cinshi balya abasambi “abaishile noku Mwiba ukumusenda,” cinshi bena bapelele imyeo yabo ukwipaiwa pamulandu Wakwe? Kabili ukupona, ukuilinga bena abashili bayana ukufwa nga fintu Ena afwile; balebabika pampana umutwe panshi na mulubafu nafimbi. Kabili ngacakuti bena bali. . . ishibe ukuti Ena ali bumbimunda nabena ukuba ba bumbimunda, kuti bena bapeela shani imyeo yabo pali Ena nga filya?

<sup>294</sup> Oh, imwe mwamona, ni ubu ubushiku bwa masambililo buntu ifwe tuleikalilamo. Amasambililo, ubuyantanshi, kabili nemibele ipya iya buno bushiku, fyonse fyakwa ciwa. “Ubuyantanshi bwakwa ciwa?” Ee, mukwai! Baibele yatila fyakwe. Ubu ubuyantanshi bwaba ne mfwa. “Bushe ifwe tukakwata ubuyantanshi ngefi mwi sonde limbi?” Iyo, mukwai! Ifwe tukakwata ubuyantanshi ubwapusanako. Amasambililo, fyonse ifintu ifi, fyakwa ciwa; sayanshi ukupilibula ububumbo bwa fintu, ukupanga ifintu fimbi.

<sup>295</sup> Lolesheni ifintu bena bacita kuli imwe nomba. Ilyo a bakashana. . . *Reader's Digest* yatile, umulungu pa numa. . . uweshi pantanshi ya wakulekelesha, Ine ndecetekela eco. *Reader's Digest* yasosele ukuti “Abalumendo nabakashana balepita pakati ka bumibwabo, abanakashi ukuleka ubufyashi pakati ka myaka amakumi yabili napa makumi yabili na fisano.” Inkulo imo naimbi, ben tabakabe nelyo cimo lelo. . . Cikaba cintu icabipisha ukulolesha. Mwamona? Ifintu ifibumbwa fikaba, abanaka, ubusali. Lolesheni ku mu—lolesheni ku mupashi, lolesheni fintu umupashi mu chalichi uli, ukontobenkanya, ukwampana nesonde. Oh, we ora we!

Fulumukeni, mwe bana! Fulumukeni! Fulumukileni ku Lupanda! Iseni kuli Kristu, lekeni Ena amutungulule.

<sup>296</sup> Lintu ifwe tuli ne mitwe yesu iyakontama, amenso yesu ayaisalwa, kabili nde mupapata kontamiken iimitima yenu, pa nshita imo ine. Kuti mwacita? Ine ndefwaya ukumwipusha ilipusho. Bushe imwe icinecine mulailolesha, kuli Lesa? Kabili bushe imwe muleumfwa ukuti tamuli uko imwe—imwe mufwile ukuba pali ino ora? Pantu uku Sumbulwa kuti kwabako inshita i ili yonse. Mwamona, kukesha.

<sup>297</sup> Kuti kwaba fye, ngacakuti—ngacakuti yalya mashiwi Na cisosa akashita akanono kapitapo ya cine, kuli no kuba fye nalimo abantu imyanda isano mu Kusumbulwa, abo abali no mweo, bena baka lulwa. Cinshi, ukubika pamo ubwina Kristu bonse, na Katolika na bonse, kulifye abantu amamillioni imyanda isano, mwamona, abaitunga ukuba abena Kristu. Kabili umo pali millioni umo, caba abantu imyanda isano. Kuli abantu abengi abaleluba cila bushiku, ukucilinganya isonde, abo ifwe tatwishiba. Mwamona, cikesa, kabili imwe tamwa keshibe nokwishiba. Abantu bakatwalilila ukushimikila, nokutila. . . Mwamona, kabili cikaba calipita kale.

<sup>298</sup> Nga fintu Yesu asosele. Bena batile, abasambi batile, “Cinshi bakalemba basosela, abati, ‘Eliya afwile ukubalilapo ukwisa?’”

<sup>299</sup> Ena atile, “A lisa kale kabili imwe ta mwamwishibe, lelo bena bacitile kuli ena fintu batile bakacita.”

<sup>300</sup> Imwe namwishiba ukuti tamuli abalungama kuli Lesa, kabili kuti mwa temwa ukwibukishiwa mu. . . kuli Lesa, ukutula Lesa enga lenga imitima yenu ukulungama na Lesa. Kuti iwe waicefyakofye nombwa, muli ino ine nshita, imyeni amaboko yenu? Ine nshilesakamana niwe nani, bushe kuti wacacita? Watila, “Ine nalaimya amaboko yandi kuli Lesa.” Lesa umupale. Lesa amupale.

<sup>301</sup> Bushe imwe mulelolesha mu Cilolani? Ine namulomba mwi Shina lyakwa Kristu, bushe imwe mulelolesha mu Cilolani cakwa Lesa?

[Munyina alandila mu lulimi lumbi. Munyina apela ubulondoloshi—Kale.] Ameni.

<sup>302</sup> Ine ndefwaya ukwipushako icintu cimo. Ni banga muno abali ba Pentecosti? Imyeni amaboko yenu, ba Pentecosti. Mukumona ni bonse muli imwe. Nombwa, ni banga muno abatila bena Kristu? Imyeni amaboko yenu, konse uko muli, abaleti bena Kristu. Bushe imwe mwalishiba Baibele yasosa pali ici, ukutula ici cikacitika?

<sup>303</sup> Ici naco cacitike mu Cipangano Cakale ilintu bena baletontonkanya fintu bena bengacita, ifintu benga butuka ku busanso ubwaleisa. U Mupashi waikile pa mwaume kabili wena aseseme nokubeba ukwa kukumanya abalwani, kabili

nefyo, ifya kucimfya abalwani. Cilya cali i Cipangano Cakale, cimo cine ne Cipyia.

<sup>304</sup> Nomba, umuntu umo kuti atila, “Ulya mwaume, oh, ico tacali ifyo.” Lelo nga cakuti cili ifyo? Imwe mwatila, “Oh, Ine nalyumfwa ico kale.” Lelo nga cakuti *ifi* efyo cili? Mwamona, ico cileshininkisha lyena ukuti muno muli abengi abale kabila ukupilibuka kwa mutima, nga cakuti uyo ni Mupashi wa Mushilo alesosa. Kuli ifintu ififwile ukucitwa, eico nomba cili kuli imwe.

Ifyo efyo fye Ndi, nshi telebwila,  
Lelo ukuti u Mulopa Wenu walinsumine,  
Kabili ukuti Imwe banjita . . .

Ico eco, Ena aitile imwe ilyoline.

. . . kuli Imwe,  
Mwe Mwanawampanga wakwa Lesa, . . .

“Ine nalafumyamo ulya mutima watalama, nokubikamo umutima wa munofu, uuka nakila kuli Ine.” Mwamona?

. . . isa!  
Ifyo efyo fye Ndi, Imwe mwinga pokelela,  
Mwinga . . .

Bushe imwe mwala panga ubusalo muli muno bushiku? Imwe kuti mwacitapo cimo ico mulefwaya ukucita.

. . . sambeni.

Imwe mwatila, “Ine nali cuumfwapo ico.” Lelo iyi kuti yaba inshita yobe iya *kulekelesha* uku Cumfwa.

Pantu ubulayo Bwenu Nali cetekela,

Ubwite bwaku cintamba ubwakale, bwena bwaliffuka ileelo, lelo Lesa acili aleenda muli bwena. Bushe imwe tamuleumfwa Ena ukwenda pali imwe, mwe chalichi?

. . . Naisa!

<sup>305</sup> [Munyina Branham atampa ukung’wing’winsa *Ifyo Fye Ndi*—Kale.] Oh, tontonkanyeni, ileelo, imitima na itampa ukuba iya mabwe, iya isulamo ne sonde, bucaibela, ba membala bamu chalichi, aba cifulefule, nga ulya umukankala, katungulula munono; kabili ukukana ishiba ukuti umukalamaba Mupashi wa Mushilo na iminina, uku konkonsa pa ciibi muli iyi Nkulo ya Laodikia. “Uyo uwalaumfwa i Shiwi Lyandi (i Cebo), ukwisula umutima wakwe, Ine nalaisa muli ena nokulya nankwe.”

<sup>306</sup> Kabili u Mupashi ukulanda ukupitila muli uyu munyina ba miniti banono abapitapo, wacitila, “Ine nkafumya muli imwe umutima wa libwe, kabili nkapela imwe u mutima wa munofu, uwanaka kuli Lesa.” Lolesheni ifintu cili nomba, cilifye a— a masambililo, imyumfwile. Mwamona? Te mutima wanaka uwaisulamo icitemwiko no busuma kuli Kristu.

307 Bushe imwe tamulefwaya umutima wa musango uyo? Bushe imwe muka kumana shani na Kristu noku Mwishiba kwa mu masambililo? Imwe mufwile ukupokelela u Mweo wa Muyayaya.

. . . wa sumine . . .

Ukuteyanya kwa citilwe ukupitila mu Mulopa.

Kabili ukuti Imwe mwanjita . . .

Finshi Ena acitile? Ukusumya u Mulopa Wakwe. Kabili nomba aleita iwe, “Isa.”

. . .kuli Imwe,

Mwe Mwana wampanga wakwa Lesa, Naisa!

Naisa!

308 Natu, cila mwina Kristu, twimye fye amaboko yesu tondolo nomba no kupepa.

309 Mwe Lesa, napapata, Shikulu, ikatani ubu bushiku buntu ifwe tuleikalilamo. Oh, cili icakosa nganshi, Taata. Satana na cita ifintu ifingi ku bantu. Imitima yabo ili iya mabwe. U Mupashi Wenu ulelandikisha; I Cebo Cenu ca tangila, ukushininkisha; lelo ukwakale, ukufyalwa cipyacipya, bena bale. . .cena na ciba cilonganino, imibele yamasambililo, inyimbo ishingi, ukupunda ukwingi, kabili ne fya kutwalilila ifingi. Lelo, icinecine, ulya mutima wa munofu, ulya Mupashi, ulya Mweo wa Muyayaya, Ena icine nauba cintu iceni ku chalichi.

310 Lesa, cilefuna umutima wandi, kabili ine u—u mubembu uwapusushiwa ku luse Lwenu. Cilelenga ine ukumfwa ububi nganshi, Taata, ukumona i chalichi ico Imwe mwafwilile, i chalichi ico Imwe mule esha ukulubula. Ine nde tontonkanya pa cimonwa Imwe mwapele fye pali cilya i chalichi camu United States kabili ica fyalo fimbi. We mimonekele yabipa rokeni ro ukusotola ifyakufwala ifintu cali. Lelo ukuntu kumo ukukonkapo Ine na mwene ukwisa ukukonkapo ulu biye, ulwawalwa.

311 Ine nalomba, Taata, ukuti nga cakuti umo muli abo muno buno bushiku uwa lashikilwe libela ku Mweo, nangu uwinga temwa uku Ci pokelela, ukuti iyi ibe e ora bena benga cicita. Cisuminisheni, Shikulu. Tobeni umutima wa libwe nomba, umutima wakale uwe sonde. Kabili nga cakuti bena balefwaya umutende, bena balefwaya icintu cimo ici ikusha, icintu cimo icipela isubilo, lekeni bena bapokelele ubutungulushi bwakwa Kristu muno bushiku ukubatungulula ku—ku Mutende uwacila pa kumfwa, Insansa ishi shi ngalandwa kabili umwaisula ubukata, nangu fye icintu ico imfwa iine tekuti icene. Cipeleni, Taata.

312 Nomba, na maboko yesu mu muulu, Ine ndetontonkanya nga. . .Ni banga mu cikulwa nomba abenga tilafye, “Ine nalaiminina.” Nomba, Ine nshile sakamana nani ekele lubali na

iwe; Ni Lesa alelanda kuli iwe. Kabili iwe icinecine ulefwaya ukuba umwina Kristu winewine. Mwamona? Icili conse kuti . . . Kano ico nga kupashanya; oh, Ine cawama ukufumina kunse nokuba mwi sonde. Ine ndecetekela kuti mwacita, naimwe.

<sup>313</sup> Nomba, ipimenifye mwebene ku Cebo, ku Mbila. Ipimeni ifyo umwina Kristu mwinemwine afwile ukuba: umubusu, uwakutemwa, te umo uwa bwina Kristu bwanomba. Cinshi, ubwanaka, ubwatompoka, ubwafwa lubali, ubwabola, ubwatobenkana. Mwamona, te bwina Kristu bwinebwine; ukwikala munshila iili yonse, kabili ukuba uwa mu chalichi. Bushe imwe tamulefwaya lilya isenge lisuma na Kristu, u Mupashi wa Mushilo, ukuti imwe . . . ukubela kwa mutima wenu wine ku Cebo, ukwingilafye muli Kristu? Nga imwe mule fwaya ico, kabili mwakabila Lesa ukumumona imwe ukwiminina muno bushiku munomwine muli ilibumba lya bantu, nga cakuti imwe kuti mwacicita fye.

<sup>314</sup> Imwe mwatila, “Bushe ico calapilibula icintu cimo, Munyina Branhan?”

<sup>315</sup> Oh, ee. Icine cine, cila cita. “Nga cakuti imwe mwa Mbela insoni ku bantu, Ine nkamubela insoni kuli Taata Wandi nakuli ba Malaika bashila. Lelo uyo uukalumbula Ine no kwimininako Ine muli ici calo, Ine nka mwimininako muli cilya Calo. Ine nka mulumbula ku cinso cakwa Taata Wandi.”

<sup>316</sup> Nomba, tacili na mulandu fintu iwe uli, umwanakashi, umwaume, umulumendo, umukashana, onse untu uli, umwina Kristu nangu uushili mwina Kristu, kapyunga, dikoni, conse cintu iwe uli, nga cakuti wala cetekelafye nomutima obe onse, pakashitafye, no kucita ici muno bushiku ukulekafye Lesa eshibe ukuti iwe uli mufuma cumi. “Lesa . . .”

<sup>317</sup> “Nomba lolesheni, Ine nine Pentecosti” imwe mwatila. “Ine ndi *wakuti*,” nangu conse cintu muli. “Ine ndashana mu Mupashi. Lelo, Munyina Branham, Ine natontonkenye lyonse ilyo ifwe tu kwete ifyo, ifwe twali Ukwete.” Imwe ta mwakwata.

<sup>318</sup> Nga cakuti mulecetekela ine ukuba kasesema wakwa Lesa, umfweni ku Fyebo fyandi. Mwamona? Uko ekubembeleka muli buno bushiku. Bushe Baibele taya sosa, “Cikaba mupepi icakuti cika bepa aba Salwa ngacali ica anguka”? A *Basalwa*, “panshi ya mweo.”

<sup>319</sup> Lelo nga cakuti imwe mwa cindile mu Mupashi, elyo ne fintu fya mwi sonde, kuli icintu cimo icilubene. Nga cakuti imwe mwalandila mundimi; Paulo atile, “Ine kuti nalandila mundimi sha muntu naba malaika, kabili ukwabula ukupusuka.” Uh-huh, fyonse fibili, mwamona. “Ine kuti naba mu myumfwile yonse, Ine kuti nakwata icicetekelo, Ine kuti nashimikila i Mbila nsuma, Ine kuti napela ifyuma fyandi fyonse kukulisha abapina, Ine kuti natwala i Cebo mu mabala ya minshoni ukucilinganya i . . . kabili Ine ncili uwafye.” Mwamona? Ni mulya Mukati ka

nkati, munyina. Uyo . . . Umupashi wenu ulafumamo lintu imwe mwafwa, wapupuka, lelo umweo wenu ulatwalilila. Mwamona?

<sup>320</sup> Nomba ilolesheni. Icinecine, bushe imwe muli benebene abena Kristu ba Baibele, abaisulamo icitemwiko cakwa Lesa? Mule ibukisha, Baibele yatila, mu nshiku sha mpela ilyo iyi nshita ikacitika, Ena atile, “Malaika uushila apitile muma chalichi, apitile mumisumba, noku kakatika *fye* balya abaleteta nokulila pafya muselu fyonse ifyale citwa mu musumba.” Bushe ico cacine? Esekiele 9, ifwe twalishiba ico Cishinka. Malaika uushila afumineko noku bika i Cishilwa pumpumi shabo, impumi, uku ba kakatika, “Abo abaleteta nokulila.”

<sup>321</sup> Pa numa yaico kwaishile ba malaika abaleipaya ukufuma kufifutu fine ifye sonde, ico icili no kwisa nombaline, ifwe tulecimona ukwisa, inkondo shileisamo ishikepaya isonde lyonse. Takwali nangu cimo ico bali nokusha kano abo abakwete i Cishilwa.

<sup>322</sup> Nomba salenipo . . . Bushe umutima wenu uli uwasakamana palwa babembu, na ifintu ifyo i chalichi na bantu balecita, icakuti imwe kuti mwateta no kulila pali ico akasuba no bushiku? Nga cakuti te ifyo, Ine ndesunguka. Ayo e Malembo.

<sup>323</sup> Bushe kuti imwe mwaimininafye no kutila, “Mwe batemwikwa Lesa, Ine nshiminine pantu Munyina Branham asosa ifyo, lelo Ine nacumfwa i Cebo Cakwe ukusosa ifyo, kabili Ine nalacita ifi. Kuli Imwe, Shikulu, Na iminina. Ine ndi uwakabila, Shikulu. Shi Mwinga pela ukukabila kwandi muno bushiku pano pali ino ncende? Ine naiminina.” Lesa akupale. Lesa akupale. “Ine ndi uwakabila, Ine ndefwaya Imwe uku kwata uluse pali ine.” Lesa akupale. “Ine ndefwaya ukuba umwina Kristu umo u . . .”

<sup>324</sup> Nomba, ibukisheni, umuntu u wiminine lubali lwenu ali fye cimo cine nga imwe. Ine ndefwaya imwe mutambike fye no kwikata ukuboko kwakwe, nokutila, “Munyina, nkashi, mpepelako nomba. Ine ndefwaya iwe ukumpepelako. Ine—Ine . . .” Cilandenifye no bufuma cumi bonse ubwa bwina Kristu, “Mpepeleniko. Ine nkaba . . . Nde—Nde—Nde fwaya ukulungama na Lesa. Imwe mpepeleniko, Ine nalapepa ukuti Lesa amupele nshita.”

<sup>325</sup> Ine—Ine ninjishiba ukuti ifwe tuli . . . Ifwe teti twikale pano inshita naimbi; mwamona ico. Ifwe tuli—ifwe tuli panshita yampela. Bonse abacetekela ico, tileni, “Ameni.” [Ulukuta lwatila, “Ameni!”—Kale.] Ifwe tuli . . . Tapali nangu cimo icishele. Ifintu fyonse nafipita. Ama chalichi yalelola ku Ecumenical council. Isonde, ci . . .

<sup>326</sup> Lolesheni kuno! Bushe imwe mwalishiba ifintu Shikulu asosa pali Los Angeles ne ncende ishi kuno? “Ena naya!” Bushe mule ibukisha ifintu Ine namwebele, nalimo imyaka ibili iyapitapo, ifyo icinkukuma cili nokwisa mu Canada kuno ku

muulu, Alaska? Ine nakabili nde mweba ukuti “Hollywood na Los Angeles fil telemukila muli bamba. California, nau loba! Te California fye; lelo iwe, isonde, nau loba! Chalichi, kanofye imwe mwaba abalungama na Lesa, namuloba!” EFYA SOSA MUPASHI WAMUSHILO!

<sup>327</sup> Bushe mwalitala amung’umfwa uku bomfya ilyo i Shina ukwabula ukucitika? Na mwipusha! Imwe mwanjishiba pa myaka amakumi yabili. Bushe Ine nalitala mweba icili conse mwi Shina lyakwa Shikulu icabula ukucitika? Nga cakuti ifintu fyonse ifyo Natala mweba fikacitika, fyalicitika, tileni “Ameni.” [Ulukuta Iwatila, “Ameni!”—Kale.] Mwamona? Ine ndemweba, nomba e ora, imwe cawama ukuba abalungama, bonse ifwe.

Nomba cila muntu apepele umubiye:

<sup>328</sup> Mwebatemwikwa Lesa, ilyo ifwe twaiminina pano muno bushiku, abantu aba lefwa, ifinso fyesu fyakontamina ku mushili, u lukungu. Ifwe fye. . . Imwe mwapupela iyi mbila i ileputaula, Shikulu. Ifwe tulemona icakumwenako pa baume babili. Umo pali bena, ukuba kapepa, ukuya ku chalichi lelo ukukana ubutungulushi ku Mweo wa Muyayaya. Kabili umbi akene ukulumbuka kwamwi sonde no *kupilibukila* ku Mweo wa Muyayaya. Kabili ifwe twamona imibele yabo bonse babili muno bushiku, ukulingana na Baibele: umwaume wa fyuma ali mukulunguluka, kabili Mose ali mu Bukata.

<sup>329</sup> Taata, ifwe tulefwaya ukuba nga Mose. Tulefwaya ukulatungululwa ku Mwana mwaume Wenu uwa Mushilo, Yesu Kristu, ku Mweo wa Muyayaya. Peleni Ici ku mitima yesu muno bushiku, Shikulu. Lepulenimo umutima wakale uwa libwe; bikeni muli ifwe umutima upya, umutima wa munofu, umutima untu Imwe mu nga landako no ku bomba nao, kabili ifwe tatwakabe abatalama nangu aba ibela. Mwileka u Mupashi wa Mushilo ukuya, Shikulu. Leken i Wena wise no kulashika aba bantu. Landeni nabo; tobauleni a mapange yabo aya mabwe, nokubikamo ubufwayo bwakwa Lesa. Pususheni cila umo, Taata. Tupeleniko ku citemwiko Cenu. Tu fisheni kucifulo, Shikulu, kuntu ifwe tulefuma kuli fyonse ifya—ifya myumfwile ya mubili, ku cituntulu icakosa iciputulwa ca myumfwile. . . iciputulwa camumutima wa cishinka, ukushika kwa ku Mupashi, ifyuma fya kwa Lesa, u Bufumu bwa Mupashi mumitima yesu. Ci peleni, Mwe Ntungulushi Nkalamba, umukalamba Mupashi wa Mushilo, lintu Imwe tamulaba pakupupuka Kwenu mu myuulu ne Chalichi Cenu.

<sup>330</sup> Mwe Lesa, lekeni ndeya, Shikulu. Mwinsha ku numa, Yesu. Leken i ndeya na Imwe, Taata. Ine nshilefwaya ukwikala pano pali ili sonde ukumona ukukupakaswa kuleisapo. Ine nshilefwaya ukwikala pano muli uku kufulungana. Ine nshilefwaya ukwiminina kuno ilyo ifintu fya kutinya. . . abantu ukulufya amatontonkanyo yabo. Ifwe ukulolesha abaume

ukweshwa ukula cita kwati finama nokumoneka kwati finama; nabanakashi ukweshwa ukula moneka kwati ni nama, ne langi pa finso fyabo. Ukwishiba ukuti ifi fintu fya lilailwe ukucitika, ukuti cikaba ifyo, bena baka fulungana mpaka ba makanta bakema ne mishishi kwati banakashi ukuwila abanakashi; na meno kwati ni nkalamo, ne fintu ifyo Imwe mwasosa, imibele ya matontonkanyo ya bantu ikapwililila. Ifwe tulecimona mupepi nombamba line, Shikulu. Twafweni! Tubwekesheni kuli kampingu walungama uwa kwa Kristu Yesu Shikulu wesu.

<sup>331</sup> Mwe Ntungulushi Nkalamba iya Mweo wa Muyayaya, ifwe twapokelela ubulayo Bwenu muno bushiku, Taata. Ine ndepapatilako aba bantu. Na papatilako cila umo muli bena, mwi Shina lyakwa Yesu Kristu, Shikulu. Ine napepa ukuti Kristu u Mwana mwaume wakwa Lesa alaingila mumutima wakwa cila umo muli ifwe, Shikulu, kabili tubumbeni nokulenga ifwe mu fibumbwa fipya muli Yesu Kristu. Cipeleni, Shikulu Lesa.

<sup>332</sup> Ifwe twali Mutemwa. Kabili ifwe tulefwaya ba kampingu besu... ukwalulwa kwesu kwise muli ifwe, ukuti twingaba abana Benu, ukumfwa ku Mupashi Wenu ukwenda mu mitima yesu, Shikulu, ukutubaka noku tulenga ukwiluka pali iyi inkulu ya fulungana intu ifwe tuleikalama. Ci peleni, Lesa. Ilyo ifwe tulemona abakashana abaikatwa nganshi mu citeyo cakwa ciwa, aba lumendo, amatontonkanyo aya alulwa, abana, ukobelwa mu fyamba, bakapepa wa fwaka, ukunwa, ubupulumushi, Edeni wakwa Satana.

<sup>333</sup> Lesa, ca Musendele imyaka amakana mutanda, ukulingana na Baibele, ukukuula Edeni. Kabili Imwe mwabikile umwana mwaume Wenu no mukashi umo (nabwinga wakwe), uku tungulula pali wena. Kabili Satana aisa nokucalula; ena akwete imyaka amakana mutanda, kabili ena akuula uwakwe Edeni wa mano ukupitila muli sayanshi, na masambililo, nefyo batila ubucenjeshi, kabili ena acikula icakasabana ica mfwa.

<sup>334</sup> Mwe Lesa, tubwekesheni ku Edeni nakabili, Shikulu, ukushaba imfwa, ukushaba amalanda. Ci peleni, Shikulu. Ifwe twaiminina muku icefya, ukulolela Adamu wa cibili ukwishila Nabwinga Wakwe. Lengeni ifwe ukuba iciputulwa Cakwe, Taata. Ifwe twapepa mwi Shina lyakwa Yesu. Amen.

<sup>335</sup> Bushe imwe mwali temwa Lesa? Bushe kuti mwaumfwa... Bushe imwe na mwiluka cintu Ine ndeesha ukumweba? Nga cakuti mwa umfwa, imyenifye amaboko, tileni, "Ine na umfwa fintu iwe uleesha ukusosa." Bushe mulemona ukufulungana kwa ino nkulo? Lolesheni ifyo ipwile, tapali noku tontonkanya pa bantu nakalya. Na ipwa! Bali kwi abesu...? Nangufye intungulushi.

<sup>336</sup> Lolesheni kuli Kateeka wesu! "Nga cakuti bena balefwaya Komyunisimu, lekeni bena bakwate. Conse ico abantu balefwaya, lekeni bena ba ci kwate." Bushe bali kwi ba Patrick



Henry besu, ba George Washington besu? Bushe shili kwi intungulushi shesu ishi ngeminina pa fikomo? Ifwe tatubakwete nakalya.

<sup>337</sup> Bushe ama chalichi yesu yalikwi, ba kapyunga besu? Ukuletamo fye abantu ukweshiwa pakashita, nangu ukwingila, ilunde ku chalichi nokcita *ici* nangu kwatako imyumfwile inono nangu icintu cimo. Bushe bali kwi balya abaume ba kwa Lesa, balya ba kasesema, abasusha fyonse ifintu fye sonde?

<sup>338</sup> Bushe bali kwi balya baume ba bulungami? Bushe bali pi? Bena balinakisha, kabili ukupitila mu mano ya masambililo ne fintu, mpaka bena tabali pano na kabili. Mwe Lesa, kwatani uluse pali ifwe.

<sup>339</sup> Ifi fintu fyangipya imimonekele ifileisa pe sonde. Imwe kuti mwamona ifyo abantu baleingilafye muli fyena. Kufulungana. Lelo ilyo cilya cika puma, i Chalichi ninshi na ciya.

<sup>340</sup> Lesa, lekeni tukabeko. Ilyo epepo lyandi kumpalume Umo Uwapulamo uuli muli ici cikulwa muno bushiku, umukalamba Kristu uyo uucili no Mweo wa Muyayaya. Na Mulomba, Kristu, ilyo Ine ndi pano na menso ayaisuka, ukulolesha ku chalichi cintu Imwe mwalubula no Mulopa Wenu. Lesa, mwileka umo pali ifwe ukuloba. Ifwe tulefwaya ukubafye na Imwe. Eico tusambeni, Mwe, Shikulu, ku mampulu yesu. Sendeni imembu shesu na fyonse.

<sup>341</sup> Ifwe twali mona Imwe uku ndapa abalwele besu, no kwimya abafwa besu (ukubwelela ku bumi ukupitila mwi pepo), kabili twalimona fyonse ifi fintu ukucitika, Taata. Nomba *tu* bwesheni ku Mweo, mumupashi; tubwesesheni ku kwiluka kwa Mweo wa Muyayaya ukupitila muli Kristu Yesu. Peleni ici, Taata. Ine natula fyonse kuli Imwe. Mwi Shina lyakwa Yesu Kristu.

Mpaka ifwe tukakumane! mpaka tu ka kumane!

Mpaka tukakumane pa nkasa shakwa Yesu;  
Mpaka tukakumane!

Lolesheni kuli Ena. Lekeni Ena atunashe.

. . . tu kakumane!

Lesabe nemwe mpaka tukakumane nakabili!

<sup>342</sup> Imyeniko amaboko yesu nomba:

Mpaka tukakumane! mpaka tukakumane!

Munyina Salano, onse uulekonkapo. [Umuntu umo atiila, “Bushe pali nafimbi?”—Kale.] Iyo. Lesa amupale.



*UBUTUNGULUSHI* BEM65-1207  
(Leadership)

Iyi Mbila na Munyina William Marrion Branham yaletelwe intendekelo mu Cingeleshi pali Cibili icungulo bushiku, Disemba 7, 1965, ku mutebeto waba Full Gospel Business Men's Fellowship International ku Covina Bowl mu Covina, California, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2022 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)